



ქოველკვირეული საზოგადოებრივი, სამეცნიერო და სალიტ. გაზეთი

№ 12 10 აგვისტო 1908 წ. ფასი 10 კ.

შინაარსი: პროფესიონალური კავშირები და ნაციონალური საკითხი. — გზა-და-გზა. — სხვა-და-სხვა ამბები ჩვენში. — რუსეთში. — ოსმალეთში. — სპარსეთში. — ობლათ დეპარტამენტი (ლექსი), ბაბ-ისა. — ამონაკენესი (ლექსი), ***. — მცირე შენიშვნა, ტრამვაიელისა. — დღეები მოთხრობა, ანასტასია ერისთავ-ხოშტარიასი. — ამერიკელ სოციალისტების პარტიტაგიდან, მ. მაგლოზლიშვილისა. — პროვინცია. — დედა, რომორც აღმზრდელი, ჰენრიხ შულცისი. თარგმ. გერმანულიდან სვ. კანდ-ისა. — წერილი რედაქციისადმი. — განცხად.

პროფესიონალური კავშირები და ნაციონალური საკითხი.

დიდ სიღუპირეს განიცდიან დღეს პროფესიონალური კავშირები, მათ თავს ატყდებოთ ათასგვარი დევნა, შევიწროება და რეპრესიები როგორც ადმინისტრაციისა, ისე ხაზინებისაგან, მარა მუშა ხალხის „ქირისუფალნი“ ყველა ამას მაინც არ სჯერდებიან და კიდევ ახალ-ახალ საშუალებებს ეძებენ მათ გასანადგურებლათ. ერთი ასეთი საშუალებაა მუშათა შორის ნაციონალურ შულის დათესვა, ნაციონალურ განხეთქილების ჩამოგდება. ეს, რა თქმა უნდა, ახალი გამოგონება არ არის, მარა დღეს იგი უფრო მარჯვეთ იხმარება, რადგან, მას შემდეგ, რაც ბიუროკრატია უკანასკნელ ხანებში ასეთ გაშმაგებით აწარმოებდა ნაციონალურ დევნის პოლიტიკას, ეხლა თვით მუშათა შორის ერთობ გაღიზიანებულია ნაციონალური გრძნობა, მუშების რაიმე ადგილობრივ უთანხმოებას, რასაც ნაშედილათ არავითარი კავშირი არა აქვს ნაციონალურად, ადვილათ ეძლევა ნაციონალურ განხეთქილების ფორმა და მოუშვადებელი მუშები მით უფრო ადვილათ ებმებიან ნაციონალისტების მახეში.

ამ დღეებში გაზ. „Рѣш“ -ს პოლონეთიდან ატყობინებდნ ასეთ შემთხვევას. ვარშავაში უკვე სამი წელია არსებობს საკმაოდ ღონიერი კავშირი პურის მცხოველ მუშებისა. კავშირმა გაუძლო რიგორც ხაზინების ლოკაუტებს, ისე ადმინისტრაციის დევნას, მარა აი ეხლა უცბათ გაჩაღდა აგიტაცია: პოლონელ მუშებს არ შეუძლიანთ ხელი-ხელ ჩაკიდებული მოქმედებდნ პოლონელ ხალხისა და კათოლიკურ ეკლესიის მტრებთან (ებრაელებთან, ნემცებთან და სხ.)“ ამ აგიტაციამ შედეგათ ის მოიტანა, რომ კავშირს გამოეყო ერთი ნაწილი მუშების, რომელთაც დაარსეს ცალკე ახალი „ქრისტიანული კავშირი პოლონეთის სამეფოს ფქვილის წარმოების მომუშავეთა“. ამას, რასაკვირველია, უმაღლვე ებოძა კანონის მფარველობა, ხაზინებიც მხოლოდ ამ ახალ ორგანიზაციას სცნობენ კანონიერათ, ხოლო ძველ კავშირს უარ-ჰყოფენ და მასთან არავითარ საქმეს აღარ იკერენ. გათიშულ მუშათა შორის მალე მოხდა სისხლის მღვრელი შეტაკებანი, რომელმაც იმსხვერპლა რამდენიმე მუშა და მრავალიც დაპატიმრებულ იქმნა, და ასე პურის მცხოველ მუშათა კავშირს, სადაც ითვლებოდა 4000 წევრი, დღეს სრული დაღუპვა უქადის.

ეს შემთხვევა არ არის გამოჩვეულისი. მსგავსი მოვლენები, უკვე კარგა ხანია, ჰხდება იმპერიის ყველა იმ

კუთხეებში, სადაც კი ერთ ტერიტორიაზე არეული არიან სხვა და სხვა ნაციის მუშები. ჩვენში, მართალია, ნაციონალისტური ბრძოლა ჯერ კიდევ არ ყოფილა თვალსაჩინოთ გადატანილი პროფესიონალურ კავშირებში, მარა დიდი დაკვირვება არ არის საჭირო იმის შესატყობათ, რომ არც ჩვენა ვართ დაზღვეული ამ გვარ, ნაციონალისტურ განსაცდელისაგან. უკვე მეოთხე წელიწადია, რაც ჩვენში მოქმედებს დაწესაქაქანების პარტია, რომელსაც, ფარულათ თუ აშკარათ, მარა იმ თავიდანვე ბეჯითად შეაქვს პროფესიონალურ კავშირებში ნაციონალური პრინციპი; ისინი ცალკე მიერეკებიან სომხის მუშებს და ცალკე, დამოუკიდებელ პროფესიონალურ კავშირებს ადგენენ. ამ მიმართულებით მოქმედება ერთობ დიდ განსაცდელს უმზადებს ჩვენებურ მუშათა მოძრაობას. საჭიროა ამას აქედანვე მივაქციოთ სათანადო ყურადღება; საჭიროა მუშათა პროფესიონალური კავშირები გავაფრთხილოთ დამღუპველ შეცდომებისაგან, საჭიროა აქედანვე განუმარტოთ თუ რა დამოკიდებულება უნდა ჰქონდეთ მათ ნაციონალურ საკითხთან და რა ადგილი უნდა მისცენ თავიანთ ორგანიზაციაში ნაციონალურ პრინციპს.

ყველამ კარგათ იცის, რომ პროფესიონალური ორგანიზაციები შენდება პროფესიების, ხელობის თუ წარმოების დარგების მიხედვით. ხოლო იქ, სადაც ერთ ტერიტორიაზე რამდენიმე სხვა და სხვა ნაცია ბინადრობს, ცხადია, ერთსა და იმავე პროფესიაში თუ წარმოებაში ერთათ იქნებიან არეულნი სხვა და სხვა ნაციის მუშებიც. და თუ მუშები შეკავშირდებოდნენ იმის მიხედვით, თუ ვინ რომელ ნაციას ეკუთვნის, ამით, რასაკვირველია, უარყოფილი იქნებოდა პროფესიონალური ორგანიზაცია. ასე რომ ნაციონალურ პრინციპის შეტანა პროფესიონალურ კავშირებში ეწინააღმდეგება თვით ამ კავშირების ორგანიზაციურ ბუნებას, თუ შეიძლება ასე ვთქვათ. მარა აქ წინააღმდეგობაა არა მარტო ფორმალური, არამედ აგრეთვე არსებითი. ნაციონალურ პრინციპის შეტანა პროფესიონალურ ორგანიზაციებში ეწინააღმდეგება თვით იმ მიზნებს, რასაც ეს უკანასკნელი ემსახურება. პროფესიონალურ კავშირების პირდაპირი და უახლოვლესი მიზანია ეკონომიურ ბრძოლის წარმოება შრომის ყოველ დღიურ პირობების გასაუმჯობესებლათ. აქ გამარჯვების შანსები იმდენათ უფრო მეტია, რამდენადაც უფრო ძლიერია კავშირი, როგორც თავის წევრთა რაოდენობით, ისე თავის კასის მდგომარეობით. საჭიროა ერთობა პროფესიაში და პროფესიათა შორის. რამდენათაც დიდ ტერიტორიას სწვდება პროფესიონალური ორგანიზაცია, იმდენათ იგი უფრო ადვილათ და უკეთ ემსახურება თავის ინტერესებს. თუ ორგანიზაციის მოქმედება შემოფარგლულია პატარა ტერიტორიით, მაგ. საქმია გაჩნდეს რაიმე სამრეწველო კრიზისი, რომ მთელი ორგანიზაცია და ყველა მუშებიც უნუგეშო მდგომარეობაში ჩაყვიდნენ, მაშინ როდესაც დიდ ტერიტორიაზე, თუ ერთ კუთხეს ეწვევა კრიზისი, დანარჩენი

კუთხეები ნორმალურ ან უფრო უკეთეს პირობებში იქნებიან და გაქირვებაში მყოფ მუშებს დაეხმარებიან შედარებით უკეთეს პირობებში მყოფი ამხანაგები. რამდენათაც დიდ ტერიტორიას სწვდება ორგანიზაცია, მდენათ უფრო ადვილი ხდება მუშათა ურთიერთშორისი შეწყობა, უმუშევართათვის საქმის შოვნა თუ ნივთიერი დახმარების აღმოჩენა და სხ. აქედან თავის თავათ ცხადია, რომ ორგანიზაცია უნდა იყოს ტერიტორიული და არა ნაციონალური.

გარდა ამისა, რადგან ყველა კავშირები არ შეიძლება იყვენ თანაბარი ძალა-ღონისა, ერთი უფრო ლონიერია და შეძლებული, მეორე უფრო სუსტი და ხელმოკლე, ერთი კუთხის ორგანიზაციები შეიძლება უკეთეს პირობებში იყვენ ვინემ მეორე კუთხის ორგანიზაციები, და რომ მდარე პირობებში მყოფთ კარგათ ჩაატარონ რაიმე ეკონომიური ბრძოლა, მათთვის მიუცილებლათ საჭიროა უკეთეს პირობებში მყოფთა დახმარება, აი ამიტომ უაღრესათ საჭიროა "არსებობდეს ერთი ცენტრალური კასსა, რომელსაც უნდა ასაზრდოებდნენ ყველა პერიფერიების ორგანიზაციები, ე. ი. საჭირო არის ფინანსების ცენტრალიზაცია. ამასთანავე, თქმა არ უნდა, რომ ყოველი ცოტათ თუ ბევრათ სერიოზული ბრძოლა ხშირათ ითხოვს არა ერთი და ორი პროფესიონალურ კავშირის ამოძრავებას, არამედ მთელ პროფესიის ანუ რამდენიმე პროფესიის გამოსვლას; ზოგჯერ საქმეში ერგო მთელი რაიონი და ხან კი მოძრაობა ერცედილება მთელ ტერიტორიაზეც; ყველა ეს, რასაკვირველია, დამოკიდებულია იმაზე თუ რამდენათ დიდი მოთხოვნები, დიდი მიზნება წამოყენებული და რამდენათ სერიოზულია ბრძოლა, რამდენათ ხელსაყრელია გარემოება. ყველა ასეთ სერიოზულ შემთხვევაში კი მუშათა გამარჯვების აუცილებელი პირობაა მწყობრი მოქმედება, ერთიანი ტაქტიკა, ერთნაირი პროფესიონალური პოლიტიკა; ეს კი უეჭველათ ითხოვს, რომ პროფესიონალურ ორგანიზაციებში გატარებულ იქმნას მთელ მმართველობის ცენტრალიზაცია.

მაგრამ ზემო ნათქვამიდან იმ დასკვნის გამოყვანა, ვითომ პროფესიონალური კავშირები სახელმწიფოშიც მომხრენი უნდა იყვენ ცენტრალიზაციისა, ასეთი დასკვნა დიდი და შეუწყნარებელი შეცდომა იქნებოდა. პროფესიონალური მოძრაობა და სახელმწიფოს განვითარება სრულიად სხვა და სხვა კანონებს ემორჩილება. რამდენათაც პირველში მიუცილებელია და სასარგებლო ცენტრალიზაცია, იმდენათ მეორეში ეს მავნებელია და დამღუპველი. რას ნიშნავს, რა არის ცენტრალიზაცია სახელმწიფოში?—ეს არის უარყოფა სახელმწიფო ცხოვრების იმ დემოკრატიზაციისა, ურომლისათაც შეუძლებელია განვითარდეს ხალხის თვით-მოქმედება, შეუძლებელია გზა გაეხსნას ქვეყნის შემოქმედებით ძალებს, შეუძლებელია გამოცეს რაიმე ეგრე წოდებული "სოციალური კანონები" და განხორციელდეს რაიმე თვალსაჩინო სოციალური რეფორმები; ერთი სიტყვით, შეუ-

ძლებელია შრომის პირობების რაიმე თვალსაჩინო გაუმჯობესება. აი ამიტომ პროფესიონალურ კავშირების პირდაპირი ინტერესია სახელმწიფოს ცენტრიდან, რაც შეიძლება, მეტი უფლებები იქმნას გადმოტანილი პერიოდებში და მთელ ტერიტორიაზე: ოლქებში, გუბერნიებსა, ბაზრებსა, ქალაქებსა და სოფლებში; ე. ი. მოხდეს სახელმწიფო **დეცენტრალიზაცია**, ისე კი, რა თქმა უნდა, რომ არ დაირღვეს სახელმწიფოს განსაზღვრული ერთიანობა. (სახელმწიფოებრივი სარტყელი მიუცილებელი საპირობებია კაპიტალისტურ საზოგადოების განვითარებისათვის). ამიტომაც პროფესიონალური კავშირები ენერგიული მომხრე უნდა იყვნენ განხორციელებდნენ **ფართო ადგილობრივი, დემოკრატიული თვითმმართველობა**. და ეს, რა თქმა უნდა, მაშინაც კი, თუნდ სახელმწიფოში ბინადრობდნენ ერთიან ერთი ნაცია.

მოხსენებულ ადგილობრივ თვითმმართველობას ანუ, როგორც ჩვენში ხშირად ამბობენ ხოლმე, ფართე საოლქო დემოკრატიულ თვითმმართველობას, თითქმის არაფერი საქმე არა აქვს ნაციონალურ საკითხთან. მარა ამ საკითხთან დიდი საქმე აქვს პროფესიონალურ ორგანიზაციებს.

ჩვენ ზევით უკვე შევნიშნეთ გაცხრით თუ ამ უკანასკნელთათვის რა დიდ განსაცდელს, რა დიდ საფრთხეს წარმოადგენს ნაციონალური განხეთქილება, ნაციონალისტური ოინები და საზოგადოთ ნაციონალური ბრძოლა, რაიც განუყრელათ თან სდევს ნაციონალურ ჩაგვრა-მონობას. ამასთანავე, რადგან მუშები თვითონ შეადგენენ ნაწილს თავიანთ ნაციისას, ცხადია, ივინი თავის თავზედაც განიცდიან ნაციონალურ მზავრელობას. ასე რომ პროფესიონალური კავშირები ორკეცათ არიან და ინტერესებული ნაციონალურ საკითხის გადაწყვეტაში. როგორც გაბატონებულ, ისე დაჩაგრულ ნაციის მუშების პირდაპირი ინტერესია აილაგმოს გაბატონებულ ნაციის დამჩაგრულ-შემავიწროებელი, მტაცებლობის პოლიტიკა და ისე მოეწყოს დაჩაგრულ ნაციის ბედობა, რომ უზრუნველ-ყოფილი გახდეს მისი ნაციონალური თვითარსებობა და ნაციონალურ-კულტურული განვითარება. ამისთვის კი საჭიროა დაჩაგრულ ნაციას მიენიჭოს განსაზღვრული **პოლიტიკური უფლებანი, მთელი წყება პოლიტიკურ უფლებათა, ე. ი. ავტონომია**. თანამედროვე პირობებში, რუსეთისთვის **ნაციონალურ საკითხის გადაჭრა გარეშე ავტონომიისა არ არსებობს და არც შეიძლება არსებობდეს**. აი ამიტომ, პროფესიონალური კავშირები ენერგიული მომხრე უნდა იყვნენ განაპირა ქვეყნებისა და ცალკე ნაციების ავტონომიისა.

მაშ ასე, ცენტრალიზაცია და ერთიანი ორგანიზაცია პროფესიონალურ შეკავშირებაში, დეცენტრალიზაცია და ავტონომია სახელმწიფოში. აი გზა და ხიდი პროფესიონალურ მოძრაობის საფლელათ.

ჩვენ დაგვჩა კიდევ ერთი პატარა საკითხი. პროფესიონალური კავშირები ეწევიან არა მარტო ეკონომიურ ბრძოლას, აწარმოებენ არა მარტო პროფესიონა-

ლურ, მუშათა პოლიტიკას, არამედ აგრეთვე ესწრაფიან თავის ყოველ-დღიურ მოქმედებით აღამალონ თავისი წევრები მორალურათ და იდეურათ, ე. ი. კავშირებს აქვთ აგრეთვე წმინდა განმანათლებელი მიზნები. როგორ უნდა იქცეოდეს კავშირი, როცა მის წევრებმა სათანადოთ არ იციან ერთმანეთის ენა, და მათ მოვობათ სხვა და სხვა ნაციონალური ლიტერატურა და სხ.? ასეთ შემთხვევაში კავშირი, რასაკვირველია, ხსნის საპირობების და გვარაუ, ნაციონალურ სექციებს. ეს, თუ გნებავთ, ერთგვარი „ნაციონალური ავტონომია“ იქნება პროფესიონალურ კავშირებში. მარა ეს სრულებითაც არ ნიშნავს ერთიან ორგანიზაციის დარღვევას. „სექცია“ ემსახურება მხოლოდ და მარტო განმანათლებელ მიზნებს და ყველაფერში კი ექვემდებარება ერთიან პროფესიონალურ კავშირს.

ასეთია მოკლეთ ის პირობები, რომელიც უნდა დაიცვან ჩვენმა პროფესიონალურ ორგანიზაციებმა, რათა განამტკიცონ თავისი არსებობა და უზრუნველყონ ძლევამოსილი მსვლელობა საბოლოო მიზნისაკენ.

გ ზ ა - დ ა - გ ზ ა .

I.

სოც. ფედერალისტები ჩვენს წინააღმდეგ.

ჩვენი ორგანოს გამოსვლის უმაღლესი—გეხსომებათ—სოც. ფედერალისტებმა ჩვენსკენ ისრულეს მომყავ-მოტკბილო კომპლიმენტები. ჩვენ იმ თავიდანვე ვიცოდით, რომ მათი „ამბორი“ „ბოლოს გესლათ მათივე გმობით შეგვეცვლებოდა“, და აი ეხლა ეს უკვე აგვიცხადლა.

„ამირანი“ იწყებს იმით, რომ ჩვენზე შენიშნავს: „როგორც ქართველი ადამიანის ზარმაც ბუნებას შეეფერება... არა ჩქარაბს პროცესის გათავებას; თითქოს დაბადების და გამოჩენის პროცესის ამ ახალ მერცხლებს რაღაც სიტკბოებათ გადქცათო, ისე მძიმეთ და ზანტათ არკვევენ ისინი თავიანთ ფიზიონომიას“. ამას გვისაყვედურებს ჩვენ ის პარტია, რომელიც აგერ რამდენიმე წელიწადია, რაც გამოვიდა ცხოვრების ასპარეზზე და ჯერაც თავისი თავი საბოლოოთ ვერ გამოურკვევია. სათვალავში რომ არ მივიღოთ ის განკერძოებული, სხვა და სხვა ელემენტები, რომელნიც დაფუძნდნენ სოც. ფედერალისტთა ბანაკში, როგორიც არიან მაგ. „ანარქისტები“, ლიბერალები, „სინდიკალისტები“, სოციალისტ—ეტატისტები, „ბლანკისტები“, ძველი სარჩულის ნაციონალისტები და სხ., სახეში რომ არ მივიღოთ სოც. ფედერალისტების ეს ქრელი ხალხი, ვინ არ იცის, რომ ეს პარტია (ს. ფ.) დღევანდლამდე თავის წილში ატარებს ორ სხვა და სხვა მიმდინარეობას, ორ სხვა და სხვა პარტიას, ესენია: ნაციონალ-დემოკრატები და სოციალისტ-იდეალისტები თუ ეკლექტიკები. და როცა სოც. ფედერალისტების პარტია გვიკიჟინებს: ზანტათ

არკვევთ თქვენს ფიზიონომიასო, ჩვენ სრული საფუძველი გვაქვს მას შევეუძახოთ: „განიკურნე შენ თვითონ“! აღნიშნული მათი საყვედური მით უფრო უადგილოა, რომ ჩვენ ამ ორგანოს პირველი №. №. -დანვე დავასახელებთ ჩვენი profession de foi და განუსაზღვრეთ საერთო მოხაზულობა ჩვენი ნაციონალურ პროგრამისა.

ამას წინათ ჩვენ ვწერდით, რომ თუ ამ ქვეყნის სოც. დემოკრატიას დღევანდლამდე არ მიუღია სათანადო ნაციონალური პროგრამა, ამის ერთ ერთი მიზეზი დაფარულია იმ ბრძოლაში, რომელიც სწარმოებდა და სწარმოებს ს. დემოკრატებსა და სოც. ფედერალისტებს შორისო. ეს შენიშვნა ძალიან სწყენიათ ს. ფედერალისტებს; მაშ ჩვენა ვყოფილვართ დამნაშავე, ჩვენს კრიტიკას შეუფერხებია თქვენი საქმე?! აი უშველებელი, უცნაური და გასაშტერებელი ბრალდებაო, შოთავეს „ამირანი“ და მოგვმართავს: თქვენც ისევე წინააღმდეგი ჰყოფილხართ კრიტიკისა, როგორც პეტერბურგის კამარილიის კაცები, რომელნიც გაიძახიან მემარცხენეთა კრიტიკა ავგიანებს რეფორმების გატარებას ცხოვრებაში და სხ. შემდეგ „ამირანი“ პაფოსით განაგრძობს:

„რა განსხვავებაა რეპტიელების და „ჩვენი კვალის“ ლოგიკის შუა? არაფერი! იმის მეტი, რომ პირველთა თვის მიმართულებისა და აზრისა არ ემინიანთ და სიტყვის თავისუფლებას ჰგობენ, „ჩვენი კვალი“ კი ამდენ გამბედავობას ვერ იჩენს. მეტად საინტერესო და საგულისხმოა ამ უცნაური ლოგიკის სარჩული. ეს ლოგიკა იგულისხმებს ორს, ერთი ერთმანეთზე საზარელს პრინციპს: პირველი პრინციპია — ჩემს შემდეგ თუნდა წარღვნა, მეორე პრინციპია — ყველაფერი ჩემგან, ხოლო ჩემს გარეშე კი არაფერიო!“

„ამირანი“ ტყუილათ ვარდება დრამატიზმში. საკითხი უფრო ადვილათ და მარტივათ არის გასაგები. ჩვენ, რასაკვირველია, აზრათ სრულებითაც არ გვქონია კრიტიკის წინააღმდეგ წასვლა და ან სოც. ფედერალისტების დამცირება თუ დამნაშავეთ გამოყვანა. ჩვენ მხოლოდ აღნიშნავდით უბრალო, თითქმის ყველასათვის ადვილათ დასანახ ფაქტს: რადგან მოწინააღმდეგეთა ბანაკი (სოც. ფედერალისტები) გაშმაგებით იცავდენ ავტონომიის პრინციპს, ამიტომ გულუბრყვილო ამხანაგები (ს. დ.) თავის თავათ მიდრეკილი ხდებოდნენ ამ ავტონომიაში რაღაც საშინელება დაენახათ, ავტონომიის აღიარება პარტიის დაღუპვისთვის დაედარებინათ, ხოლო ცენტრალიზმი კი ბუნებრივ და აუცილებელ ნუგბარათ წარმოედგინათ. ასეთი პსიხიური განწყობილება, რა თქმა უნდა, ძალიან შეაფერხებდა და გააძნელებდა სათანადო ნაციონალურ პროგრამის შემუშავებას. აქ „ამირანი“, კვლავ კირვეულობს: ჩვენ რა „შუაში ვართ, ეგ თქვენი „ფანატიკოსური ჯიუტობის“ ბრალია, იმ ჯიუტობისა — „განმარტავს“ გაზეთი — „რომელიც ქართველ სოც. დემოკრატებს აფიქრებინებს, ვითომ მათ და მარტო მათ ეკუთვნოდეს მონოპოლია ხალხის სხვა და სხვა საჭიროებაზე მზრუნველობისა“.

და ბოლოს „ამირანი“ მწუხარეთ მაგრამ დაბეჯითებულ კილოთი ლაღადებს: „სამწუხაროა და საფალოლო, რომ ჩვენი სოც. დემოკრატები ასეთ მზრუნველობის ანუ ოპეკუნობის ფუნქციას ითვისებენ და მით ხალხის თვით მოქმედებას ჰბოქავენ ბიუროკრატიულ რეჟიმის მსგავსათ“. ეს სოც. ფედერალისტების ჩვეულებრივი ლათია. ებია, ფუყე, უშინაარსო როტეა. თუ კი სოც. დემოკრატია ჰბოქავს ხალხის თვით მოქმედებას, მაშ ბიუროკრატიული რეჟიმი კიდევ ფართე ასპარეზს უნდა უხსნიდეს ამ თვით მოქმედებას! პირველი ხომ მეორის ანტიპოდი ს. დ. და ბიურ. რეჟიმი ერთი მეორის მოწინააღმდეგე პოლიუსებია. ვინ არ იცის, რომ სოც. დემოკრატიის თვითონ არსებას სწორეთ ხალხის თვით მოქმედება შეადგენს. თუ სოც. ფედერალისტებმა არ იციან მარქსის მკვეთრი სიტყვები — „მუშა ხალხის განთავისუფლება თვითონ ამ ხალხის საქმეაო“, ინტერნაციონალის სიმღერა მაინც უნდა ჰქონდეს გაგონილი: „არ არსებობს უაღრეს — უზენაესი მშველელი — მხსნელი, არც ღმერთი, არც ცეზარი და არც ტრიბუნი (სახალხო მქადაგებელი); მუშებმა ჩვენ თვითონ უნდა ვიხსნათ ჩვენი თავი და სხ.“.

არა ნაკლებ უსაფუძვლოა „ფანატიკოსურ ჯიუტობაზე“ გადაბრალება. ეს, ყოველ შემთხვევაში, არაფერს არ გვიხსნის, არაფერს არ განგვიმარტავს. საქმე ის არის, რომ ბრძოლის დროს სრულიად ბუნებრივია სურვილი მოიქცე და გააკეთო წინააღმდეგ იმისა, როგორც იქცევიან და რასაც აკეთებენ შენი მოპირდაპირენი. ეს ერთგვარი პსიხიური აუცილებლობაა. ამის მაგალითებით სავსეა საზოგადოებრივი აზრის განვითარება, ამასვე მოწმობს თვით ხელოვნების, ფილოსოფიის და, საზოგადოთ, მთელ იდოლოგიის განვითარების ისტორია. ასე მაგ. საფრანგეთის დიდი რევოლუციის რადიკალური ბურჟუაზია, ამხედრებული არისტოკრატიის წინააღმდეგ, ატეისტია და მატერიალიზმის მალაიარებელი, რადგან მისი მოპირდაპირე წოდებანი ეკლესიის და რელიგიის დამცველნი არიან; სამაგიეროთ ინგლისის მე 17-ტე საუკუნის არისტოკრატია მატერიალიზმამდის მიდის, რადგან მისი მოპირდაპირე პურიტანები უკიდურესათ რელიგიოზურია. ანუ კიდევ, მერკანტილისტები ამტკიცებდენ ფულია ნამდვილი უაღრესი სიმდიდრე, ხოლო მათი მოწინააღმდეგე ეკონომისტები და მათ შორის იუმი, ამტკიცებენ — ფული არაფერი, სიმდიდრეა, ის მხოლოდ უბრალო ნიშანია, მას არავითარი შინაგანი ღირებულება არ მოეპოვება და სხვ. ამ გვართ კლასების და პარტიების ბრძოლა აზრების მსვლელობაშია და ღივლენას ახდენს და ძალიან ხშირათ ერთ წინააღმდეგობა — უკიდურესობას მეორეთი სცვლის. ამ მოვლენის ერთ ნაშეკვს წარმოადგენდა ჩვენებურ სოც. დემოკრატისა და სოც. ფედერალისტებს შორის ატეხილი კამათი ეროვნულ საკითხის შესახებ. მხოლოდ ეს აღნიშნეთ ჩვენს ერთ წერილში და მეტი არაფერი. აზრების მსვლელობაზე რომ ბრძოლას დიდი გავლენა აქვს — და სწორეთ ჩვენ

მეორე აღნიშნული გავლენა—ამას ჰმოწმობს თვითონ „ამირანი“ იმავე წერილში (№123). თუ არ პოლემიკის თინათობა, იგი ისე არ დასწერდა მაგ. შემდეგ სტრიქონებს: „თითონ იგინი (ე. ი. ჩვენ) დღესაც პირგაქმენილი ისტებოდენ ცენტრალისტების ბანაკში, სოც.-ფედერალისტებს რომ არ შეერყიათ მედგარის კრიტიკით ცენტრალიზმის სოც.-დემოკრატიული დოგმა“ და სხვ. თვითონ „ამირანმა“ არა ერთხელ აღნიშნა, რომ სოც.-დემოკრატიაში გაჩენილი ახალი მიმდინარეობა (ეროვნულ საკითხის შესახებ), რომლის მატარებელია ჩვენი ორგანო, აღმოცენდა ქართულ ცხოვრების ნიადაგზე და მაშასადამე ცხოვრების წიაღიდან წარმოშობილი მომდინარეობა არ შეიძლება იყოს რაიმე საგზათო პოლემიკის ნაყოფი. სოც.-ფედერალისტებს ჩვენთვის არც ნიადაგი შეუზადებიათ, პირიქით, იმათ ჩვენი გზა ნარეკალით აავსეს. მარა რუსების არ იყოს *Нѣтъ худа безъ добра*, „სულსაც თავის კარგი მხარე აქვს“ რამდენათაც მძიმეთ და ძნელათ გვიხდება ჩვენ გზის გაკაფვა, იმდენათ უფრო მტკიცე საძირკველს ვუყრით ჩვენს ახალ მიმდინარეობას.

ვიმეორებთ, რომ სოც.-ფედერალისტების „მედგარ კრიტიკამ სოც.-დემოკრატიაში კი არ შეარყია „ცენტრალიზმის დოგმა“, პირიქით უფრო გაამაგრა, და კერძოდ, ჩვენ შესახებ, სოც.-ფედერალისტებმა თუ არ დაგვიანეს ჩვენი გამოსვლა, მათ ეს არ დაუჩქარებიათ. და სოც.-ფედერალისტების, დაბოლოს, სწორეთ გვიან გამოსვლას გვისაყვედურებენ, ამას გვითვლიან მომაკვდინებელ ცოდვით. ამ „დაგვიანებას“ თავისებურათაც ხსნიან. „ამირანი“ მიხვდებოდა, რომ ჩვენ პარტიულ მთლიანობის ინტერესებსაც უნდა დავებოქრებინეთ და ამას ასე განმარტავს: „ეს იმას ჰნიშნავს, რომ ამ („ჩვენ“) პუბლიცისტებს თავის სინდისის სასწორზე აუწონიათ მაშინ ქართველი ერის და სოციალდემოკრატიულ პარტიის ინტერესები, აუწონიათ და პარტიის ინტერესებს დაუძლეფია; სხვანაირათ რომ ვთქვათ, ამ პუბლიცისტებს პარტიის კეთილდღეობა უმჯობინებიათ ქართველ ერის კეთილდღეობისათვის, ჩვენ ეს გაუსწორებელ დანაშაულათ მიგვაჩნია“... აი ტიპური, სოც.-ფედერალისტური ლათარია! ამ ბატონების სიტყვიდან ისე გამოდის, თითქმის პარტია იყოს სპორტსმანების წრე მაგ. მობურთავეთა, მოქიდავეთა, ველოსეპიდისტებისა და სხვათა ჯგუფი, და სახალხო საქმის კეთება კი სრულიად სხვა რამე. ჩვენ ასე არ ვფიქრობთ. ჩვენის შეხედულებით, ქართველი სოციალდემოკრატია არის ქართველ ერის ძალთა ორგანიზაცია ამავე ქართველ ერის ინტერესთა სასამსახუროთ. და ამიტომაც პარტიისა და ერის ინტერესთა დაპირდაპირება ჩვენთვის სასაცილოა, მეტი რომ არა ვთქვათ.

სოც.-ფედერალისტები გაუსწორებელ დანაშაულობათ გვითვლიან იმას, რომ ჩვენი ნაციონალური პროგრამით ბრძოლის ასპარეზზე არ გამოველით მაშინ, როცა განმათავისუფლებელი მოძრაობა ბოშოქრობდა. ეს

საყვედური ჩვენ ძალიან კარგათ გვესმის. ს.-ფედერალისტები, როგორც იდეალისტები, ჰგონებენ, რომ ისტორიას „აკეთებს“ იდეა, აზრი, და ამ იდეით შეიარაღებულ ადამიანს შეუძლიან ქვეყანა თავის ქეიფზე მიატრიალ-მოატრიალოს. ს.-ფედერალისტების რწმენით, ჩვენი ჯგუფი, რომ იმდროს გამოსულიყო, ქვეყანას თუ ვერ გადააბრუნებდა, თვალსაჩინო ნაყოფს მაინც მოიტანდა. თა? იმიტომ, რომ ამ ჯგუფის იდეა—ავტონომია ქვეყნის რიტებაა. ს.-ფედერალისტები ვერ გვაპატიებენ „გვიან გამოსვლას“ წმინდა ეთიკური მოსაზრებითაც. იმათ რომ ჰკითხო, შენ გულწრფელი ადამიანი აღარა ხარ, უკეთუ უმაღლეს არ ახსენ ბაგე საქადაგებლათ, რაწამსაც კი იდეამ თავში გაგიჩუჩუნა. იდეალისტი თავის სამოქმედოთ მაგდენ არას დაგიდევს გარშემორტყმულ პირობებს, სწორეთ ისევე, როგორც ამას არ დაგიდევდა ჩაცკი. უნდა შევნიშნოთ, რომ გრიბოდოვის გმირი ჩაცკი („ვინა ქუთისაგან“) თავის ტემპერამენტით და აზროვნებით პირწავარდნილი ს.-ფედერალისტი. იგი არ უყურებს როდის და ვისთან აქვს საქმე, იგი მარჯვენა და მარცხნივ მოურიდებლათ აპნევს ლამაზ ფრაზებს და მშვენიერ სენტენციებს და რაღა თქმა უნდა, მისი „მოღვაწეობის“ შედეგაც უმეკველათ უნდა ყოფილიყო: „*Карету мнѣ, пойду искать, гдѣ оскорбленному есть чувству уголок!*“ ასეთია მიუცილებელი დასკვნა ყველა იმ „კარგი“ მოქმედების, რომელიც სათანადო ანგარიშს არ უწევს გარშემორტყმულ პირობებს. ჩვენ კი—და ყველა სერიოზული პოლიტიკური მოღვაწე—სწორეთ ამ პირობების შესწავლაზე ვამყარებთ ჩვენს მოქმედებას. ჩვენ წინდაწინვე ვანგარიშობთ ჩვენი მოქმედების პრაქტიკულ შედეგებს. აი ამ თვალსაზრისით, ჩვენი გამოსვლა მაშინ, „მოძრაობის აბოშოქრების დროს“, არამც თუ პატარა, თვალსაჩინო ნაყოფსაც ვერ მოიტანდა, იგი პირიქით მანებელიც იქნებოდა. ჩვენ არ შეგვწყვედა საკმაო ძალა, ჩვენ იმდენათ მცირე რიცხოვანი ჯგუფი ვიყავით, რომ მარტო ფიქრიც კი—პარტია ჩვენ ნაციონალურ პროგრამაზე დამდგარიყო—თავხედობა იქნებოდა; მაშასადამე, ჩვენ რამდენსაც უფრო მეტ ენერგიას გამოვიჩენდით, იმდენათ უფრო მეტ ძალთა დაქსაქსვას გამოვიწვევდით იმ პარტიაში, რომელიც ხელმძღვანელობდა მთელ სახალხო მოძრაობას; მაშასადამე, ჩვენი მოქმედებაც გამოვიდოდა ხალხის მტრობა და არა ქართველ ერის ინტერესთა სამსახური. აი ამიტომაც ჩვენმა რწმენამ, ჩვენმა სინდისმა და ეთიკამ გვიკარნახა სწორეთ ის ხაზი მოქმედებისა, რომელსაც ჩვენ ვადეგით მაშინ, და ეს იმდენათ ღრმა რწმენაა ჩვენი, რომ დღესაც, თუ მაგ. მოხდებოდა მთელი რეგიონის სრული რესტავრაცია და იფეთქებდა სახალხო მოძრაობა, ჩვენ უმაღლეს თავს გავანებებდით დაწყებულ საქმეს, იქით გადავდებდით ყოველგვარ უთანხმოებას ნაციონალურ საკითხში და ერთსულოვნათ შევერთედებოდით, შევლუდებოდით, როგორც ადგილობრივ, ისე მთელ რუსეთის

ამხანაგებთან და ყველანი ერთიან, გასაღდევებულ ლაშქართა აღვიმართებოლით მოელს იმპერიაში.

მაგრამ დღეს სრულიად სხვაგვარი პირობებია. დღეს სწორეთ ისეთი მომენტი. როცა კრიტიკულათ უნდა გადინჯოს მთელი განვლილი ხანა და მოქმედება, უნდა აღინიშნოს ძველი შეცდომები, შეივსოს ძველი დეფექტები, უნდა შემუშავდეს სრული და სწორე პროგრამა და ტაქტიკა, რათა ხვალინდელ დღის წინაშე წარვსდგეთ უკეთესი ძალ-ღონით აღჭურვილნი.

აი ამიტომ, დღეს ჩვენი ასპარეზზე გამოსვლა არც დაგვიანებულია, არც ნაადრევია, იგი სწორეთ დროს შესაფერია.

ყველა ზემო ნათქვამი ცხადზე უცხადესია. ეტყობა, ს.-ფედერალისტებთან კაცი შორს მანძილს ვერ გაივლის. ჩვენთვის უფრო საინტერესოა თვით ჩვენ ამხანაგებთან კამათი. ამ დღეებში მაგ. გაზ. „ხომლში“ დაიბეჭდა ეროვნულ საკითხზე რამდენიმე დიდათ საყურადღებო ფელეტონი ა. ჩხენკელისა. აი ამასთან კამათი ჩვენთვის უფრო საინტერესოა და სასარგებლოც. მარა ამაზე შემდეგ.

სხვა-და-სხვა ამბები

ჩვენში.

— 8 აგვისტოს ქ.ოდეხაში დროებით მიწას მიაბარეს კარსლბადში გარდაცვალებულ ოდესის უნივერსიტეტის პროფ. ვასილ მოსესძე პეტრიაშვილის გვამი. ამ დღესვე გადახდილ იქმნა ქაშვეთის წმ. გიორგის ეკლესიაში პანაშვიდი ვ. პეტრიაშვილის სულის მოსახსენებლათ. აზრათა აქვთ ვ. პეტრიაშვილის ცხედარი სამშობლოში გადმოასვენონ.

— საფრანგეთის დეპუტატთა პალატამ გადასწყვიტა დაარსდეს პარიზის უნივერსიტეტში ქართული ენის კათედრა, რისთვისაც გადასდო საჭირო ფული.

— სახალხო უნივერსიტეტთან არსებულმა კომისიამ, რომელსაც დავალებული ჰქონდა შეემუშავებინა ტიპი სკოლისა მოზრდილთათვის, მსჯელობა იქონია ამ კითხვის შესახებ წარსულ სამშაბათს. საერთოთ გამოითქვა აზრი, რომ რაც შეიძლება, მიიზიდონ სკოლებში სრულით ანბანის არ მკოდნე მასსა, რომელთანაც მეცადინეობა უნდა სწარმოებდეს ერთი წლის განმავლობაში. წელიწადი გაყოფილია სამ სემესტრათ. ამ კითხვისავე შესახებ იქონია მსჯელობა ქართულმა სექციამ 7 აგვისტოს. კითხვამ ბევრი დებატები გამოიწვია, ზოგნი წინადადებას იძლეოდნე გაიხსნას სკოლა მარტო ერთ ადგილას, მხოლოდ მიღება შევირდებისა სწარმოებდეს ყოველ სამი თვის შემდეგ. ზოგი ამტკიცებდა გაიხსნას სკოლა ორს ადგილას და მიემატოს სამს მასწავლებელს ერთი კიდევ. მესამენი ამტკიცებდნე, რომ თუ გვინდა ფართე მასსა მივიზიდოთ სკოლებში უნდა გავხსნათ სასწავლებლები სხვადასხვა ადგილას მაგ. ვერაზე, ჩუღურეთში,

გოგოლის ქუჩაზე და სხვა. ხმის უმეტესობით კრება მიემხრო მეორე წინადადებას. ჩვენი აზრით კი უფრო რაციონალურია მესამე წინადადება.

— კოლოკის ხეობაში საგლეხო ბანკს შეუძენია დიდალი მამულები, რომელსაც შეუძლიან აცხოვროს თურმე 30,000 გლეხი.

— სოფ. ხაშში (თფ. მაზრა), გაჩნდა ფილოქსერა. საფილოქსერო კომიტეტმა გადასწყვიტა გაიგზავნას ხაშში რვა კაცი. ამათ გლეხების თანხმობით ფილოქსერის მოსასპობათ უნდა გაეფონ ფილოქსერიანი ვენახები.

— დაბრუნდა თფილისში ქართულ ფილარმონიულ საზოგადოების დავალებით წასული კახეთში სახალხო მოტივების შესაქრებათ ზაქ. ფალიაშვილი. უკანასკნელს გრამოფონზე გადაუღია ოცდაათ ხმაზე მეტი.

— 5 აგვისტოს პეტერბურგს გაემგზავრა გრაფი ვორონცოვ-დაშკოვი.

— ქუთაისში ძარცვა-გლეჯისათვის სამხედრო სასამართლომ ჩამოხრჩობა გადაუწყვიტა ბოკუჩავას და შათირიშვილს.

— 5 აგვისტოს თფილისში ჩამოაღრჩეს ალექსანდრე ბერიჯანოვი, რომელსაც ტუსადის მოკვლას აბრალებდნე.

— 5 აგვისტოს დილით გორში თავის სახლის წინ მოკლეს რევოლვერით გორიჯვრელი შემამულე ილია შოშიაშვილი.

— სოფ. ქსოვრისში (ქართლი), 3 აგვისტოს რამდენიმე უცნობ კაცს უკეშია რატიშვილისა და კობიაშვილისთვის, მეტ ლალებს რათ იღებთო. იმათვე გაულახიათ ადგილობრივი მღვდელი, მათე ბერიძე და წინადადება მიუციათ პური არ მოიკითხოო. შემდეგ მისულან სოლ. რატიშვილთან კალოზე, რომლისთვისაც თოფი დაუხლიათ და მოუკლათ.

— რედაქციამ მიიღო 1-ლი № ახალ საგლეხო გაზეთი „ახალშენი“-სა.

რ უ ს ე თ შ ი.

— სიკვდილით დასაჯეს: კიევში—ორი, ვარშავაში—ორი, ვილნოში—ორი, სარატოვში—ოთხი, რეველში—ოთხი, ეკატერინოსლავში—ორი.

— სიკვდილით დასჯა გადაუწყვიტეს: ვარშავაში—სამს, ტომსკში—ოთხს, ჩიტაში—ორს, პეტერბურგში—ოთხს, კიევში—ოთხს, გომელში—ერთს, რიგაში—ორს, ვილნოში—ერთს, ხარკოვში—სამს, ლოდზში—ორს, ტომსკში—ერთს, პეტროზავოდსკში—ერთს.

— ლ. ნ. ტოლსტოის წერილის გამო „არ შემოძლიან გაგზუმდე“ დააჯარიმეს შემდეგი გაზეთები: „სლოვო“—2000 მან., „ვერეი“—1000 მან. ლათიშების ჟურნალი „ავოსტი“—1000 მან. („რეჩი“ № 177—183).

— მთავრობის განკარგულებით აღკრძალულია ეორესის გაზ. „L' Humanite“-ს შემოტანა რუსეთში.

— 31 ივლისს ფინლიანდიის სისამართლოში მესამედ იორჩეოდა საქმე გერცენშტეინის მოკვლის შესახებ.

სასამართლოში ჩვენება ჩამოართვეს პოლოვენეს (საშუა კრიეოს), რომელსაც ბრალთა ედება გერცენშტეინის მოკვლა. საქმე არ გათავდა და გადაიღო 2 აგვისტოდის.

— ფინლიანდის გენ.-გუბ. თხოულობს ფინლ. სენატისაგან, რომ მიიღოს ზომები და გადასდოს 2 მილ. ნახევარი ფინანსთა მინისტრის მოთხოვნის თანახმად მდინარე ნევაზე ხიდის გასაკეთებლათ.

— სიმფეროპოლის ციხეში თავი მოიკლა პატიმარმა ოლონოვმა, რომელსაც სიკვდილით დასჯა ჰქონდა გადამწყვეტილი.

— ალექსანდროვსკო-გრუშევსკში დასკრეს პოლიციისტიერი კოლონოვი; მსროლელი დაიჭირა.

— კიზინოვის ციხეში მოხდა პატიმართა არეულობა. გამოიწვიეს სტრაჟნიკები, რომელთაც ძალით ჩააქრეს არეულობა.

— პოლანგენში დაპატიმრეს ათი სოციალ-რევოლუციონერი, რომელნიც ტილიობდენ საზღვარზე გადასვლას.

— ტავრიის გუბერნიიდან გააძევეს 1-ლი სახელმწიფო ღუმის წვერი თავ. ობოლენსკი.

— ეილოვის (ეკატერინოლ. გუბ.) მადნებში ბოროტ-განზრახველებმა გადაადგეს ყუმბარა მდიჭრა 7 კაცი.

— ახლო მომავალში ვარშავის სამხედრო სასამართლო გაარჩევს ორ პოლიტიკურ საქმეს—ერთი ებრაელების რევოლუციონერ ორგანიზაციის „ბუნდისა“ (86 ბრალდებულია), მეორე—ანარხისტ-კომუნისტებისა (75 ბრალდებულია).

— 24 ივლისს დეპუტატი კუზნეცოვი გაემგზავრა იუზოვკაში, სადაც მან გვირგვინით შეამკო რიკოვის კატასტროფის მუშების საფლავი. ასობით მუშები შემოეხვიენ გარშემო და აძლევდნენ კითხვებს სახელმწიფო ღუმეზე, მუშათა კანონმდებლობაზე და სხ. კუზნეცოვმა გულახდილად განუცხადა, რომ მას პოლიციისაგან აკრძალული აქვს მოხსენების წაკითხვა სახელმწიფო ღუმის შესახებ. სადამოთი კუზნეცოვის სახლში თავი მოიყარეს პროფესიონალური კავშირების წარმომადგენლებმა რიკოვის მადნებში დაღუპულ მუშების ოჯახების იურიდიულ დახმარების მოწყობის შესახებ მოსალაპარაკებლათ. ის იყო კრება დაიწყო, რომ მათ ესტუმრათ პოლიცია. თუმცა კუზნეცოვი არწმუნებდა მათ, რომ აქ არავითარი ს.-დ. კრება არ არის, რომ ის, კუზნეცოვია, სახელმწიფო ღუმის წვერი, ყველა მუშები დაპატიმრეს კუზნეცოვთან ერთად და საპოლიციო ნაწილში გაგზავნეს. აქ კუზნეცოვი ხელმოკრეთ გაშინჯეს.

არც მუშებს, არც კუზნეცოვს არაფერი საწინააღმდეგო არ აღმოაჩნდათ. მიუხედავად ამისა ისინი ჩაკეტეს. მეორე დღეს დილის 11 საათზე მარტო კუზნეცოვი გაანთავისუფლეს.

— გაზეთებში გამოქვეყნებულია ზოგიერთი ცნობები სიკვდილით დასჯილთა შესახებ მიმდინარე წლის პირველ ნახევარში.

ყველაზე ბევრი დაუსჯიათ სიკვდილით პოლშაში. ვარშავაში დასაჯეს სიკვდილით 46 კაცი, ლოდზში—36, მერე მიჰყვება კიევი—30, ოდესა—27, ხერსონში—18, ეკატერინოსლავში—18, რიგაში—17, მოსკოვში—12, რეველში—10, უფაში—10, ვილნაში—9, ეკატერინო-ბურგში—9, ნიენი-ნოვგოროდში—7, ხარკოვში 6, თბილისში—ექვს-ექვსი, პერმში—5.

მერე ჩამოთვლილია 14 ქალაქი, სადაც სიკვდილით დასჯას ჰქონდა ადგილი 1—4 შემთხვევამდე.

ო ს ქ ა ლ ე თ ი .

— მთავრობა ფიქრობს მოსკვას 600,000 მედალი კონსტიტუციის ბოძების სახსოვრათ. განზრახვაა, რომ წმიდა შემოსავალი 50,000 გირვანქა გადაეცეს პარლამენტის განკარგულებაში.

— ახალგაზდა ოსმალთა ორგანიზაცია ხელახლა აძლევს წინადადებას სულთანს გვარდიის დათხოვნის შესახებ. 20 ათას დარჩეულ პირთაგან შემდგარი ჯარი, რომელიც ცხოვრობს ილდიზ-კიოსკთან ახლოს, წარმოადგენს ისეთ წრეს, რომელიც ადვილათ დაემორჩილება რევოლუციონერთა აგიტაციას. სულთანი ამდენ ხანს უარს ყოფდა ამ მოთხოვნას.

— დოღმა-ბაჩჩეს მახლობლათ სამხედრო გემის „ფამიდიეს“ სრულ საბრძოლათ მზაყოფნას, როგორც ამბობენ, მიზნათ აქვს, უჩვენოს სულთანს, რომ ახალგაზდა ოსმალნი მზათ არიან ყოველგვარ შემთხვევისათვის.

— ოსმალეთის რევოლუციის მსხვერპლი განისახლვრება 13 მეცდარით და 6 დაჭრილით.

— „ტიამისი“ ცნობით ამ დღეებში გაანთავისუფლეს ყოფილი სომეხთ-პატრიარქი ორმანიანი. ახალგაზდა ოსმალთ ჩასვეს ის ციხეში იმისთვის, რომ დაეხსნათ გაბრახებული ხალხის შურის ძიებიდან, რომელსაც სურდა მოეკლა ის 30,000 გირვანქის გაფლანგვისათვის. ახალგაზდა ოსმალთ გაგზავნეს ის გაძლიერებული მცველებით საპატრიარქოში.

— სტამბოლში ყოველ დღე იტყრენ ჯაშუშებს. დაიჭირეს, სხვათა შორის, საიდუმლო პოლიციის ერთი უფროსთაგანი, რაჰიმი.

— ოსმალეთის საარჩევნო კანონის ტექსტი უკვე დაგზავნა პროვინციათა უფროსებს. არჩევნები იქნება არა პირდაპირი. ხუთასი ამრჩეველი ირჩევს ერთ ამომრჩეველს; 50 ათასი ამრჩეველი გაგზავნის პარლამენტში ერთ დეპუტატს. სანჯაკები (ოლქები) მამაკაცთა საერთო რიცხვით 50—75 ათასამდე გზავნის ერთ დეპუტატს, 75—125-დე ორს, 125—175-დე ათასი სამს, 175—220 ათასი—ოთხს. აქტიურ მონაწილეობას იღებს არჩენებში თითოეული 25 წლის ოსმალთა, რომელიც იხდის მცირე რამ გადასახადს. ჯარის კაცებსაც აქვთ საარჩევნო უფლება. არჩევნებში არ იღებენ მონაწილეობას აღმინისტრაციის მოხელეები. არჩევნების ხელმძღვანელობა

მინდობილი აქვს განსაკუთრებულ კომისიას, რომელშიაც მოხელე პირნი არ იღებენ მონაწილეობას.

— **ქართველები ოსმალეთში.** ერთი მაჰმადიანი ქართველი კერძო წერილში სწერს თავის მეგობარს: „ძველი ქვეყანა (ოსმალეთი) მიიცვალა. ეხლა ახალი ქვეყანაა და ახალი კანონი გაჩნდა მთელი ქვეყანა ფეხზე დგას, ყველას ხელში თითო ბაირალი უჭირავს და ერთმანერთს ულოცავენ თავისუფლებას. ეხლა ყველა მერჯულე ერთია, ერთმანერთს ჰკოცნიან; არავის განსხვავება არა აქვს შვიონ-მგლებს სწმენდენ, ბევრი სამსახურიდან ირიცხება, იკარგება, ყველას ცოდვამ გამოუწია. ძველებური ხათბალა და შეწუხება აღარ არის. ვინ ხარ, კაცი არ კითხულობს, ხვანთქარს (სულთანს) ხატავენ და ათ ფარათ ქუჩაში ჰყიდიან, უწინ დანახვა და სიტყვის თქმა არ შეგეძლო მის შესახებ!

ჩვენი ქართველი მუშირი შაქირ ფაშა ერქანი ხერბ რეისი გახდა (სამხედრო აკადემიის დირექტორი); ქართველი თოფჩი ყუმანდანი რიზა პაშა თოფხანი ნაზირი (ოსმალეთის ყველა არსენალთა უფროსი) გახდა; ქართველი ხასან ფეჰი პაშა შურაი დევლეთ რეისი გახდა (სახელმწიფო ქონებათა და სამთო სამრეწველო მინისტრი); ფალავა კაი მეკამი გახდა (სარდალი).

რა დიდებული დრო დადგა, ვინ იფიქრებდა, რომ ოსმალეთი ამას მოესწრებოდა? შვიონებს სამსახურიდან ითხოვენ და საჯაროთ პირში აფურთხებენ“.

ს ზ ა რ ს ე თ ი .

— 29 ივლისს თეირანში ჟანდარმთა უფროსმა ამოათხრევინა საფლავიდან განმათავისუფლებელ მოძრაობის პირველი მსხვერპლი ლეიდი აბდულ-ჰამიდი, რომელსაც ყველა დიდ პატივს სცემდა და დასწვა ის. ფერფლი წაიღეს ბაჰეშახს. ამ მასხრათ აგდებამ გამოიწვია ძლიერი მოძრაობა და აღელვება.

სალამოს, ნაციონალურ დღესასწაულის წინა დღით, გავლენიანი სპარსელის სახლში შეიკრიბა ათასზე მეტი კაცი; ამობოდნენ ამალელებელ სიტყვებს შაჰის წინააღმდეგ, იწვევდნენ ტახტიდან მის ჩამოსაგდებათ; უწოდებდნენ მას სარწმუნოების უარყოფელს იმისთვის, რომ შეურაცყო მან წინასწარმეტყველის ჩამომავალი ლეიდი-აბდული.

— „რეჩი“-ს კორესპოდენტი იტყობინება, რომ სპარსეთის მთავრობა სერიოზულათ სცდილობს შექმნას ისეთი საარჩევნო სისტემა, რომელსაც შეუძლია მეორე მეჯილისის საქმიანობის უზრუნველყოფა. შაჰი, ამბობს ის, დიდხანს მეკითხებოდა რუსეთის მესამე დუმის საარჩევნო კანონისა და სახელმწიფო საბჭოში დებუტატების დანიშვნის შესახებ, შემდეგ მოითხოვა თითო ეგზემპლარი ამ კანონებისა, რაც მე დაუყონებლივ დავუშით და ვიბარე პეტერბურგიდან“.

— სამ აგვისტოს თავრიზის ქუჩებში გავრცელდა იქმნა ფურცლები შემდეგი სათაურით: „**ცრემლები ხალხისა**“. ფურცლის ავტორი სატარ-ხანისა და ბა-

გირ-ხანის პარტიიდან ირონიულათ ეკითხება რეაქციონერებს: „სად არის დაარსებული პარლამენტი? სად არიან პროგრესიული გაზეთების რედაქტორები? სად არის კონსტიტუცია, რომელიც ერთი ხმაურობით აუწყეთ ქვეყანას? რად გახდა მისი წინააღმდეგი სამღვდლოება? ფურცელში მოთავსებულია კადევ რევოლუციონერების მიერ წართმეული რამდენიმე დევეშა, რომელშიაც თავრიზის ადმინისტრაცია უჩვენებს შაჰის პარტიის უმწეო მდგომარეობას. მეორე დევეშაში აწერილი იყო 26 — 27 ივლისის ბრძოლა, მესამეში სათარხანის სიკვდილი, რომელიც ვითომც შაჰსევანებმა მოჰკლეს. ფურცელი ძალიან გავრცელდა, მას ერთმანეთს გლეჯდნენ ხელში და ისე კითხულობდნენ, ამან აშკარათ დაუმტკიცა რეაქციას, რომ ფაქტიურათ ძალი სათარხანის ხელშია.

ფიდაები შეუპოვრათ ეკვეთებოდნენ, მაგრამ რიცხვით რეაქციონერები მეტი იყვნენ. რეაქციონერები გადავიდნენ ყოფილ ენჯუშენის შენობაში, რომელიც იყო უშიშარ ადგილას. იქიდან იძლეოდნენ ბძანებას. საღამოს ბრძოლა შესწყდა, მეორე დღეს 11 საათზე ისევ განახლდა, ეხლა იერიში მოქონდათ ფიდაებს. საღამო ჟამს ფიდაები შეიჭრნენ შაჰსევანების და კარადაჭრის წრეებში. თხრილებში შემომწყვდეული შაჰსევანები კარადგები სრულიად ამოჟლიტეს. მოჰკლეს ორი აფიცერი. არავის არ აპატივეს. მაშინ ფიდაებმა უკანვე წაიღეს თავისი ზარბაზანი. ამ ამოჟლეტამ მოახდინა გუბერნატორსა და რეაქციონერებზე შემადარწმუნებელი შთაბეჭდილება,



* * *

ობლათ დაეძრწოდი.. მაგრამ მე ქვეყნათ
სატრფო-მიჯნური თურმე მყოლია!
გმირი ყოფილა შეუპოვარი
და ხასიათიც მტკიცე ჰქონია!..

გული ვერ მისწვდა ამ საიდუმლოს,
ალერს-სიყვარულს სხვაგან ეძებდა;
თუ მის აზრადი თავს ევლებოდა,
რას მიხედებოდა, რას გაიგებდა?!

დღეს კი ცხადია... ვამაყობ კიდევ,
(თუმც გულ-ქვა არის, არც ლამაზია);
არ მიღალატებს კუბოს კარამდე,
სასტიკი არის, ბუმბერაზია!..

მისი მონა ვარ.. ვიშ, ნეტარებაჲ!
სიამის ცრემლნი თვალებდ მითრთიან..
მასაც ვუყვარვარ მე გაგვიებით,
ჩემი მიჯნური! მას შრომა ჰქვია!

ობლათ დაეძრწოდი, მაგრამ მე ქვეყნათ
სატრფო-მიჯნური თურმე მყოლია..
გმირი ყოფილა შეუპოვარი
და ხასიათიც მტკიცე ჰქონია!

ბაბ. — ი.

ამონაქვეყნი.

მარტოკა ვზივარ... ჩემს გარეშემო
ტურფა ბუნება ტურფათ იშლება,
მდელი ბიბინებს, ზურმუხტის ფერი
მინდორი ათას ფრათ იქარგება.

შორს ტყე ხმაურობს, ბუჩქ-ბალახებში
ციურნი ცვარნი ციმციმ-ბრწყინავენ,
ნაადი მოქუხს, იმის ტალღებში
ცელქნი კალმახნი თამაშ-ხტუნავენ.
ნიაფი დაქრის, მცენარე თავს ხრის,
ფოთოლი ფოთოლს გულში ეკვრება,
ქრელი პებელა წყნარათ, ნელნელა
შროშან-იასმანს თავსა ევლება...

მაგრამ ბუნების სიმშვენიერე
თვალს ვერ იტაცებს, გულს ვერ იზიდავს,
შავი ფიქრები, ვით ნისლი მთასა,
თავს დამტრიალებს და სულს მიხუთავს.

თვალ-წინ მიდგია ცხოვრების ველი
უმანკო სისხლით უზვათ მორწყული,
ვთვლი, ვანგარიშობ შეწირულ მსხვერპლებს
და მწარეთ, მწარეთ მიკვნის გული!



მცირე შენიშვნა.

თბილ. ტრამ. ღირეკ. ბ-ნი ალიბეგოვი გაზეთ „ხომლის“ № 16-ში აცხადებს პატივცემულ საზოგადოების საყურადღებოთ და ირწმუნება, რომ ჩემი მტერ-მოყვარენი ცდილობენ მომახვიონ თავზე სისაძაგლე და სასიზღრობა, პრესის შემწეობით ამახინჯებენ ფაქტებს, შეცდომაში შეყავთ გაზეთები, და რომ გარემოებათა უცოდინარ მკითხველებმა არ იფიქრონ ვითომ დაპატიმრებას აზრათ აქვს მომუშავეთა ხელფასის შემცირება და ამ სახით საზარალო დასკვნა არ გამოიყვანონ ჩემზე, როგორც ტრამ. ღირეკტორზე, —ვაცხადებ, რომ სიმართლეს მოკლებულია ის, ვითომ ჯამაგირებს ვუკლებდემ მომუშავეებს. ასე რომ აღნიშნული ორი ფაქტი ჰკარგავს მნიშვნელობას. მართალია 60 მუშა დაპატიმრებული, ჩვენ კი ავიყვანეთ 4 ახალი მუშა, ისინიც ძველ პირობებში. ვის დაფუჯვროთ, ფაქტებს თუ ბ-ნ ალიბეგოვის ცრუ სიტყვებს? ბ-ნი ალიბეგოვი გვეუბნებოდა ღ ახლაც გვეუბნება: „უსახელო საზოგადოებას არ აძლევს ხელს ისეთი ჯამაგირების მიცემა მუშებისათვის, როგორც თქვენ, 8 საათის მაგიერ 9 საათი უნდა იმუშაოთ, მუშები ძალიან ბევრია და უნდა შტატი შევამციროთ“. შეუდგა ახალი მუშების მიღებას, რომელთაც ართმევდა ხელწერილებს, რომ დროებით არიან აყვანილები, არავითარ ხელშეკრულობას არ მოითხოვენ, ღირეკციას რადროსაც მოესურვება დაითხოვს და უნიშნავს მცირე ხელფასს შედარებით ძველ მუშებთან. დროებით აყვანილ ახალ მუშების რიცხვი 50 იყო, —სანამ დაპატიმრებდნენ 60 მუშას, —და ნელ-ნელა ეჩვეოდნენ—ეცნობოდნენ მუშაობას. დაპატიმრების შემდეგ ღირეკციამ კიდევ აიყვანა არა 4 მუშა, არამედ 15 ახალი მუშა და თუ ამ უკანასკნელთ დაუნიშნა ღიდი ხელფასი და ძველ პირობებში მიიღო, ეს მარტო იმიტომ, რომ ესენი დახმარებას გაუწევდნენ ღირეკციას მუშების დასამარცხებლათ. ბ-მა ალიბეგოვმა მოსაბმელ—დასამატებელ ვაგონებს მოხსნა (თუმცა ჩვენ არა ვართ წინააღმდეგი გაუმჯობესებულ ტექნიკის შემოღების) 40 ვატმანი, რომლებიც დრო-გამოშვებით გამოდიან სამუშაოზე. 27 ივლისს ტრამვაის სახელოსნოს ზედამხედველმა გამოუცხადა მანტიორებს: „30 მუშა უნდა დავითხოვოთ, რადგანაც 9 საათის მუშაობა უნდა დაწესდეს ღ იმდენი მუშა აღარ დაგვჭირდება, რამდენიც ახლა. აირჩიეთ 8 ხელოსანი, (განსაკუთრებით ერთ მანტიორს მიმართა ასეთი წინადადებით ჯერჯერობით) ერთი შავი მუშა, ისეთები, რომლებიც თქვენ გსურთ“. 4 აგვისტოს ბ-მა ალიბეგოვმა დაიბარა თავისთან სამი მუშა, რომელთაც გამოუცხადა: „20 მუშა უნდა დავითხოვო ისეთები, რომლებიც მე მინდა, 9 საათს უნდა იმუშაოთ ღღეში ყველამ. მხოლოდ ეს შეიძლება ცოტა ხანი დაგვიანდეს“. რას ნიშნავს ყველა ეს თავის თავათ ცხადია—ძველი მუშების დათხოვნას, ხელშეკრულებათა გაუქმებას, დროებით აყვანილ მუშების შემწეობით ჯამაგირების დაკლებას და

საათების მომატებას, ერთი სიტყვით, ყველა იმ უფლებების წართმევას, რომლებიც მუშებმა წვითა და ღვაწლით მოიპოვეს მრავალ წლების განმავლობაში, ალიბეგოვისთანა მძლარეებთან ბრძოლაში. როდესაც ბ-ნ ალიბეგოვს 11 და 12 ივლისის „სოვეშჩანიზე“ უფროს და უნცროს საფაბრიკო ინსპექტორების თანადანსწრებით ეკიხებოდნენ მუშების წარმომადგენლები, თუ ისედაც მეტია მუშათა რიცხვი, რაღათ იყვანთ ახალ მუშებსო, ალიბეგოვმა მარტო იმით გაიმართლა თავი, რომ „საქმე მოითხოვს და მეც ვიყვანო“. ყველა ამების შემდეგ, ცხადია, ბ-ნ ალიბეგოვს სურს და ასრულებს კიდევაც, — დაუკლოს ყველას — გარდა იმათი, რომლებიც გვერდს უმაგრებენ დანოსებით — დაუკლოს ჯამაგირები, და სანამ ამას მოიმეკმედებდეს, აშორებს ტრამვაიდან ნელნელა ხალხს. ახლა ვნახოთ, რას ამბობდა დაპატიმრებულების შესახებ ბ-ნი ალიბეგოვი, როდესაც მუშებმა გაუგზავნეს წარმომადგენლები და მოითხოვეს ალიბეგოვისაგან შუამდგომლობა გენ. გუბერნატორის წინაშე, რათა გაენთავისუფლებინა დაპატიმრებულები. „გენ.-გუბერ. სურს გაწმინდოს ქალაქი მავნე ელემენტებისაგან. გენ. გუბერნატორი ამბობს, თუ გინდ გაენთავისუფლო, ადგილებზე არ შეიძლება მათი მიღებაო. პოლიციამ მითხრა: მოსამსახურეები მოკვლას გიპირებენ, დამცველები დაიყენეო. მგონია დაპატიმრების მიზეზი გორბაჩოვის მოკვლა უნდა იყოს. მომეცით საბუთები, რომ მოსამსახურეებში არ ურევია მავნე ელემენტები, რომ გენერალ-გუბერნატორს დაუვმტკიცო და გაანთავისუფლოს“. ასეთივე სიტყვებით გამოისტუმრებს ხოლმე დაპატიმრებულების დაობლებულ ცოლშვილს და ღედებს, რომლებიც დიდიდგან საღამომდის კონტორის კიბეებზე ელოდებიან ბ-ნ ალიბეგოვს, და სთხოვენ, როგორც ღმერთს, გაანთავისუფლოს მათი ქმრები, შვილები. ბ-ნი ალიბეგოვი საფაბრიკო ინსპექტორების თანადანსწრებით მუშებს კაცის მკვლელებს უწოდებდა, რაზედაც საფაბრიკო ინსპექტორებმა ურჩიეს, რომ უკან წაეღო სიტყვები. ყველა ამების შემდეგ ისიც ცხადია რომ ბ-ნი ალიბეგოვი უკადრისი საშვალეებით ამხედრებს აფგილობრივ საზოგადოებას და ადმინისტრაციას მუშების წინააღმდეგ და ეწევა შავრაზმულ პრავაქატორულ აგიტაციას მუშების წინააღმდეგ. მაგრამ, იმედია, ადგილობრივი პატივცემული საზოგადოება, მიუხედავად იმასა რომ ჩვენ შორის არის ისეთი სინილისზე ხელაღებული მუშები რომლებიც შეურაცყოფას გვაყენებენ, დაათასებს ალიბეგოვის მოქმედებას.

ტრამვაიელი.

დ ე დ ე ბ ი.

(დასასრული. *)

VI

დესიკო თანდათან მოღონიერდა და ოჯახი წინანდელ რიგზე მოაწყო. ავადმყოფობის დროს, როგორც

*) იხ. „ჩვენი კვალი“ № 11

ბავშვებს, ისე თვითნებულ საგანს დაჰკლებოდათ მისი თავდაუზოგავი ზრუნვა-მოვლა.

დესიკო ღარიბ დედ-მამის შვილი იყო, შესჩვეოდა შრომას, სანაქებოთ დაამთავრა საშუალო სასწავლებელი და დიდი დროც არ გასულა, რაც დათიკო ქამაშვილს მისთხოვდა.

დესიკო თავს ბედნიერათა სთვლიდა, ქმრის ოჯახში სრული თავისუფალი იყო და დათიკოც თვალწარბში შეჰყურებდა და თავს ევლებოდა. ქაყოფილი დესიკო სულაც არ ფიქრობდა მასზე თუ მცირე ჯამაგირი ოდესმე აგრძნობინებდა მათ რაიმე გაქირვებას.

— გაქირვება რას ქვია?... კაცი თუ ირჯება და მუქთა ხორა არ არის, მას როგორ უნდა გაუქირდეს?! ფიქრობდა ეს.

დესიკოს პირველ წელიწადშივე გაუჩნდა შვილი, მას მოჰყვა მეორე, მესამე, კიდევ ზედ დაერთო უძუძურობა და დესიკომ ნაღვლიანათ დახარა თავი ძირს.

ბევრჯელ დააპირა შესულიყო რაიმე სამსახურში და შვება მიეცა ოჯახისთვის, მაგრამ როდესაც წარმოდგენდა თავის შვილებს უცხოების ხელში, შეკრთებოდა და წუთს გაუფრთხებოდა ამ მოსაზრებას. ბევრჯელ უნახავს მოახლეების ხელში ჩაცვივებული ბავშვები როგორ ისჯებოდნენ და რა უწესო საქციელების მოწამეთ ხდებოდნენ. ჯერ კიდევ ქალიშვილობაში დესიკო ჰკიცხავდა იმ დედას, რომელიც აგრე რიგათ არ აქცევდა ყურადღებას შვილებს, განგანზე იყურებოდა პირადის სიამოვნებისთვის.

— ღმერთმა ნუ ქნას, შვილი ვისმეს ჩაუგდო ხელში, მე თვითონ ავღზრდი ისე, რომ სხვისთვის მაგალითი იყვის. ხშირათ უთქვამს ეს და ნუ თუ დღეს კი ისე უნდა მოიქცეს, როგორც იქცევიან ამისგან გაკიცხული დედები!... არა! არა! ვერ იზამს დესიკო ამას. სხვათრე გაქირვებს საქმეს, თითქმის საზრდოსაც მოვიკლებ, ჩასაცმელს, ყოველგვარ სიამოვნებას, რომელსაც არავითარი მწიფე ნელობა არა აქვს ქმარ-შვილთან შედარებით და ოჯახიდგან კი გარეთ არ გავალ...

დესიკოს გაგიჟებით უყვარდა შვილები, ღლე თუ ღამ მათთვის ფიქრობდა, კიდევაც დავიწყებოდა, თუ შვილების გარდა კიდევ სხვა არსებობდა რამ, მთელი დღეები სახშილი ტრიალებდა, ძიძის დახმარებით ოჯახს უვლიდა, ხარშავდა საქმელს, ოთახებს ალაგებდა, ჰკერავდა, შემდეგ ჩაუჯდებოდა შვილებს, უამბობდა ზღაპრებს, წიგნებს უკითხავდა... ბევრჯელ დაღალვისაგან სახეზე ოფლი ასკდებოდა, სხეული თხოულობდა დასვენებას, მაგრამ ეს მაინც არ ჩერდებოდა და შრომას განაგრძობდა. დესიკოს გულსა და გონებაში ღრმად ჩასწვდნოდა დედობრივი მოვალეობა, იცოდა რა ფაქიზათ, სათუთად უნდა მოჰქცეოდა ბავშვის ნორჩ-წრფელ გონებას და ხშირათ ოხრავდა, როდესაც გრძნობდა, რომ უსაშუალო ბომა ბევრნაირათ უკანა სწევდა მის მისწრაფებას შვილების აღზრდის შესახებ; მაგრამ მაინც არ უტყდებოდა და კვალათ გამხნეებული დაუმატებდა:

— არა უშავს-რა!.. ღმერთი მოწყალეა! . საკმარისია შეიღებო შევაჩვიო პატროსან შრომას, მოთმინებას, დანაჩენი ღვთის ყველაფერი კარგათ იქნება...
 ზღონიერი თბილისე!

— ბედნიერი დედა ხარ, დესიკო, შფარველი ანგელოზი თავს გადგია და გიფარავს ათას განსაცდელისაგან. გაიხსენე ნატო, თუნდ მართა, წარმოიდგინე მათი მდგომარეობა... შესწორებულია ხშირათ გონება.

— ღმერთმა იმ დღეს ნუ მომასწროს, რომ იმათ დღეში ჩავევარდეთ როდისმე! თუ ჩემ ქმარ-შვილს არ უყუარებ, რატომ ინდა სიცოცხლე! უიმათოთ რა მიიშენელობა აქვს ქვეყნიერებას?.. დაუმტებდა დესიკო, ამოყვით აიღებდა თავს და მიმოიხედავდა, გადახედავდა შვილებს, შემდეგ გასწევდა იმ ოთახში, სადაც ეძინა პაწია სოსოს. დესიკო კარგა ხანს აღტაცებით დასჩერებოდა მას, გონებას გამოეპასუხებოდა:

— ეინა სთქვა, რომ მე ღარიბი ვარ?... არა, სცდებიან, მე ღარიბი არა ვარ... მე მდიდარი ვარ მით, რომ დედა ვარ... ბედნიერი დედა!...

უცბათ დესიკოს სახეზე აღტაცებასთან ზრუნვის
ჩრდილი შემოერეოდა და ყურში ჩასჩურჩულებდა:

— იბრძოლე, იშრომე, ვიდრე შენ მოვალეობას შეასრულებდე!.. ვიდრე შენი შეილები აუგებენ ქვეყანას სიყვარულის, სათნოების, მეცნიერების ტაძარს...

დესიკოს აღტაცებულ გულ-გონებას მონათრებო-
და, რომ ამისი შვილები ასულიყვენ მაღალ მწვერვალზე,
მათ ფერხთა ქვეშ ტანჯვით სული დაელიათ, გაბრწინ-
ლიყვნენ შური, მტრობა, ძალმომრეობა და უზნეობა,
მეორეს მხრივ უღრუბლო ცაზე დიადათ ამოსულიყო მზე
და უჩვეულო ბრწყინვალე სხივებში შეეხვია ტანჯული
ქვეყანა!...

Viii

მართა შეეჩვია ახალ მდგომარეობას. ბავშვები უზრუნველათ ეტიტინებოდნენ და ღროებით გულიდან ამოიჭმდნენ ჯავრსა და ვარაშს. მეზობლებს სოფლიდან ხშირათ მოჰქონდათ სახლის ამბავი. სიცხეს უჩვევი მართა ცხელ ზაფხულისაგან პირველში მომეტებულათ შეწუხდა, მაგრამ მერე და მერე იმასაც თითქო შეეჩვია. რძე კარგი ჰქონდა და ბავშვი ჯანსალი იყო. დესიკოც აფასებდა მართას ღირსებას და მეტ პატივსაც სცემდა. ამასობაში ზაფხული ილეოდა, ნონემ ჩამოუტანა შაქროს მშვიდობის ამბავი, მაგრამ ოჯახს ცოტა ზარალი მოსვლოდა, მაიკო ვილასაც გაჰყოლოდა და სადღაც გადაღუპულიყო. მართას ძალიან დაენანა რძალი, რომელთანაც შეჩვეული იყო და როგორც ესმოდა, შაქროს ყურს კარგად უგდებდა.

— ის თუ იქ არ იქნა, ოჯახი დაიღუპება. არა?
დღეა ჩემი არც კი აგებინებს შაქროს უღედობას, ეუბ-
ნებოდა ნონე.

მართას შურდა, რომ ამის შეიღოს სხვა დაპატრო-

— წინანდელი ჯამაგირით იყიდეთ რამე? ჰკითხა კარგა სიჩუმის შემდეგ მართამ, როდესაც ხედავდა რომ ნონე ჯიბეში ფულს ილაგებდა.

— წინანდელი სულ ვალს მოუნდა, არც კი ეყო, უზასუბა ცოტა არა დარცხვენით ნონემ.

— მაშ მაგითი მაინც შეიტანე რამე სახლში. ჩემ
შაქროს ქული წაუღე, დაუმატა მართამ. ორი კვირის
შემდეგ მართა სტიროდა, ხელში ეკირა უნცროსი მაზ-
ლის წერილი, რომელშიაც გაეგო, რომ ნონეს, როგორც
წინანდელი, ისე მერე აღებული ფული სულ მთლათ
გაეფანტა და ხუთიოდ მანეთის მეტი არ აეტანა შინ.
ბავშვიც ტიტველი დარჩენილიყო და სთხოვდა მისთვის
მაინც დროზე გაეგზავნა ტანისამოსი.

— რასან მაგისტანა უბედური ყოფილა, ფულს ნულარ მისცემ. დაიტოვე და შენ თვითონ წაიღე, ამჟამად დესიკო, მაგრამ მართას ნაღველი ამითი არ მსუბუქდებოდა, რადგან იცოდა, რო ნონეს დაბრიალებული თვალები და მოღერებული მუშტები აღვიდათ არ აპატიებდენ წინააღმდეგობას. მეტი ღონეარ იყო, უნდა მართა დამორჩილებოდა თავის ბედს.

დადგა შემოდგომა და დესიკოც ფრთხილათ ცოტ-
ცოტათი აჩევედა პატარას რძესა და ქაშს, მაგიერათ
ძუძუს ჯერს უკლებდა ისე, რომ ბავშვი შეუმჩნევლათ
გადადიოდა საშემოზე.

— ერთი თვის უკან, ზემო მართა, სოსოს ძუძუ აღარ დასკირდება, უთხრა დესიკომ მართას, რომელსაც ჯერ ეწყინა, მაგრამ როდესაც გაახსენდა, რომ მალე სახლში წავიდოდა, შვილს ნახავდა, გულმა სიხარული-საგან უწყო ძალზე ძვრა.

— მაშ ჩემ შაქროსთან წავალ!! ხშირათ ფიქრობდა მართა და ამ სურვილს დღე და ღამ თავს ევლოებოდა.

— მართა, ნონე მოვიდა! დაუძახა არჩილმა ერთხელ, როდესაც მართას ჩვეულებრივად ხელში ეჭირა სოსო და აივანზე დადიოდა. მართას სიამოვნებისაგან სახე შეუწიოლდა და წავიდა ოთახისაკენ, რომ ბავშვი დედისთვის მიეცა.

— ოჰ, ნონე, რა ამბებს იტყვი?... გულის ფანქარებით შეეკითხა სამზარეულოში სკამზე ჩამომჯდარ ქმარს მართა და ხელი ჩამოართვა.

— მშვიდობას.

— შაქრობა რასაც იქნა..

-- რა უშავს, ფეხზე დარბის.

— უიღა, და! და!.. ნეტაი კი ეხლა იქა მქნა და!..
შესძახა ალტაცებით მართამ.

— შენ როგორღა ხარ?... საჩქაროთ მიატანა ნონემ, რომ მართას აღარაფერი ეკითხა სახლზე, რომელიც ისეც მოსწყინოდა.

— მე?... რა მიშავს...

— ძუძუ ხომ სამყოფი გაქვს?..

— ძუძო?... ძუძო ეხლა მაგდენი აღარა სჭირდება
ბაეშს, რადგან საქმელზე გადაჰყავით.

— რაო?.. მაშ ბუძუს აღარ აძლევ?.. შესძახა ნონემ, რომელსაც სახეზე შიში და უკმაყოფილობა დაერკო.

— ეძლევე, მაგრამ იმდენს ალარა. დღეში მარტო
ორ-ჯერს ვაწოვებ. ქალბატონი ამბობს ერთი თვის შემ-
დეგ სულ აღარ უნდა ძეძუო.

— გაღირე, დედაკაცო? მერე ხომ გაშრი?.. შესძახა ნონემ, რომელიც არ მოელოდა ასეთ ამბავს. წამოვარდა ზეზე, გაჩუმდა რავედნსამე ხანს და შემდეგ თითქო თავს ძალა დაატანა დამშვიდებულიყო და თავშემაგრებით უთხრა ცოლს.

— მაშ შენ აქ საქმე აღარა გქონია, უნდა წამოხვიდე!

— საქმე?! საქმე როგორ არა მაქვს?.. ჯერ ხომ კიდევ ვაძლევ ძუძუს?!.. უპასუხა შემკრთალმა მართამ.

— მართა?.. შენ თუ ძუძუ გაგშრობია, იცოდე მოუკლავი არ გადაშიჩნები!.. დაუმატა ნონემ, რომელსაც სიბრაზისგან ფერმა გადაჰქრა სახეზე.

მართამ თავი ჩალონა. ეს თითქო კიდევაც გრძნობდა, რომ წინა დღესაც კი აღარა ჰქონდა და ამ ერთი თვის შემდეგ ხომ, რასაკვირველია, უფრო დააკლდებოდა. მართა ვერ მიმხვდარიყო, რად უნდოდა ნონეს, რომ მართას რძე არ გაშრობოდა. აქედან ხომ სახლში წავიდოდა და შაქრო კი დიდი იყო. ეხლა მას ძუძუ აღარა სჭირდებოდა!..

— ქალბატონი და ბატონი აცოცხლა ღმერთმა! წარმოსთქვა ნონემ, როდესაც ოთახში შემოვიდა, უკან მოსდევდა გაფითრებული მართა.

დესიკოს ხელში ხტოდა სოსო, ჭყროპინობდა, დათიკო კი მისჯდომოდა მაგიდას და რაღაცას სწერდა. ამით რომ დაინახეს ნონე გაუღიმეს, მოიკითხეს.

— ბატონო, შენიჭირიმე, მართლა მართა თქვენთვის აღარ არის საჭირო?.. იკითხა ნონემ და მორჩილებით ხელები დაჰქლო ერთმანეთს, თუმცა მისი აღშფოთებული თვალები სულ წინააღმდეგს აცხადებდნენ.

— ვინ გითხრა, რომ საჭირო არ არის? ბავშვი ჯერ კიდევ ძუძუსა სკამს, უპასუხა დამშვიდებით დესიკომ.

— თუ კი საქმელს აძლევთ, ძუძუ იმდენი რაღად დასჭირდება?.. იკითხა კვალათ ნონემ.

— მართალია, მაგრამ ძუძუს უცბად არ ვაშვები-ნებ ხოლმე, ერთი თვის შემდეგ მართა თავისუფალი იქნება.

— დალოცვილო და მანამ ხომ კიდევაც გაშრება!..

— შეიძლება.

— მერე ცოდო არ არის, ახალი ძუძუ რომ გაშრეს?.. ჩვენი ცოდო რათ გინდათ?..

ცოლქმარმა გაოცებით შეხედეს ერთმანეთს, თითქო ვერ მიმხვდარიყვნენ ნონეს ლაპარაკს.

— რა ცოდო, რას ამბობ კაცო?.. ჩვენ მართა ძიძათ დავგიჟებთ და მანამა გყვავს, სანამ საჭიროა. მგონი ჩვენ პირობას არ გადავსულვართ!.. უთხრა დათიკომ.

— მართალსა ბრძანებ, შენიჭირიმე, მაგრამ მეშინიან ძუძუ არ გაუშრეს, თუ კი არ გაუშრება, რა მენაღვლება, ერთი თვეც იყვებს. მერეც წავიყვან.

— მაგის პირობას ვერ მოგცემთ, რომ ძუძუ არ გაუშრეს. ბავშვს ხელმეორეთ აღარ დავაბრუნებთ ძუ-

ძუზე და, რასაკვირველია, რძე შედგება, როდესაც ბავშვი აღარ მოსწოვს.. უთხრა დესიკომ.

— კარგი შენიჭირიმე, თქვენ კარგადა ბრძანდებით, მაგრამ რახან ასეა საქმე, სჯობს ეხლავე წავიყვანო ჩემი ცოლი.

— რაო?.. რა დროს წაყვანა კაცო, როდესაც ჯერ ძიძობა არ გაუთავებია?.. შესძახა დათიკომ და წამოდგა ზეზე, დესიკოსაც წყენა დაეტყო.

— ძიძის წაყვანა არც აგრე ადვილია, ჩემო ნონე, უთხრა დესიკომ.

— წაიყვანო რა, მერე ვინ წაგაყვანინებს? შესძახა ეხლა კი გულმოსულმა დათიკომ და მთლა გაწითლდა.

— დალოცვილო, ჩემი ცოლი, ჩემი ნებაა, ხომ არ გიყიდნიათ!.. თუ ძიძათ გინდოდეთ, ხომ ძიძათაც იქნებოდა ეხლა, რაღასთვის უნდა გაჩერდეს და ტყუილათ ძუძუ გაიშროს?

— აგრე ძალიან რათ უფრთხილდები მაგის ძუძუს?.. სახლში არ მიგყავს?..

— სახლში რომ წავიყვანო, რა უნდა გამირიგოს!..

აი ეხლაც შემომხვდა დალალი დედაკაცი, რომელმაც მკითხა ძიძა ხომ არ იცი, ადგილია და თხუთმეტ მანეთს იძლევიანო.. ამის გაგონებაზე სასოწარკვეთილებაში შესული მართა უიმედო დაეშვა სკამზე და ანგარიშ მიუცემლათ იწყო პირდაპირ ყურება.. ეს თითქო ვეღარას ხედავდა, ყურს უგდებდა ძალზე აკვნესებულ გულს, რომელიც შინისკენ ეწეოდა. ამას ხელიდან ეცლებოდა დიდხანს ნატვრა: შაქროს ჯერ კიდევ ვერ ნახავდა!..

— ეგ სხვაა, თუ ადგილზე აყენებ. რასაკვირველია ეხლავე გიჯობს წაიყვანო, უთხრა დათიკომ, რომელსაც სიბრაზემ გაუარა და კარგა ფიქრის შემდეგ გადასწყვიტა, რომ არა ღირდა აქ ძალის გამოჩენა.

— რას იტყვი, დესიკო, წაიყვანოს?.. ჰკითხა ამან ცოლს.

— წაიყვანოს, მაინც-და-მაინც სოსოსთვის ძუძუ ძალიან საჭირო არ არის, უპასუხა დესიკომ.

— მართა, მაშ წაჰყე შენ ქმარს. თავისუფალი ხარ.. უთხრა დათიკომ მართას და არც კი შეხედა. დესიკო კი დაკვირვებით უყურებდა გაჩუმებულ მართას, რომელსაც ტუჩები უთრთოდნენ, თვალები ძირს დაეხარა.. მაგრამ როდესაც გაიგონა დათიკოს უკანასკნელი სიტყვები, მან აიღო მალღა თავი და განწირულებით მიაჩერდა ქმარს, რომელიც შუბლ შეკრული იდგა.

— ნონე, მე ახალ ადგილზე არ წამოვალ.. თუ წამიყვან, სახლში წამიყვანე, თუ არა და ისევ აქ დავრჩები!.. წარმოსთქვა მან ათრთოლებულის ხმით და უფრო გაფითრდა..

ნონემ გაოცებით შეხედა ცოლს, თითქო უკვირდა, არ ეჯერა თუ მართა უხედავდა წინააღმდეგობის გამოცხადებას.. ნონეს თვალებმა საშიშრათ გაიელვეს, მან ტუჩები მაგრა მოკუმდა და ხმა არ გასცა, ცხადთ ეტყობოდა ღელავდა, და ცდილობდა თავს მორეოდა და დამშვიდებულიყო...

— გაგვისწორდით, ბატონო, თუ გვერგება რამე.. გვიბოძეთ... ნაწყვეტ-ნაწყვეტად დაილაპარაკა ნონემ..

— ჯამაგირი წინ-და-წინა გაქვთ წაღებული, ათი მანეთი კიდევ გვერგებათ.. უთხრა ცივად დათიკამ და გადასცა ფული ნონეს, რომელიც წელნელა, ზანტათ გამოვიდა ოთახიდან.. მართა იღვა დესიკოს წინ და ცხარე ცრემლით სტიროდა.

— შენ გენაცვალე, ქალბატონო, ჩემგან ნუ გეწყენება.. მე რომ შემეძლოს, დაგჩაგებდი, სანამ საჭირო ვიყავი, მაგრამ რა ექნა მე უბედურმა.. მეგონა აქედგან სახლში წამიყვანდა.. ველირსებოდი შეილის ნახვას.. მაგიერათ კიდევ სადღაც მიმათრევს.. ეჰ, ვითომც მეც დედა ვარ!.. ვითომც მეც შეილი მყავს.. ქვი-თინებდა მართა..

— ნუ წაჰყვები ახალ ადგილზე, თუ კი არ გინდა:.. ნუთუ შენც აღამიანი არა ხარ, მართა?.. ნუ თუ შენც უფლებას არა გქვს, რომ შენი თავი დაიცვა?! ნუ წაჰყვები, მაგიერად სახლში წადი?.. ამბობდა გულმოსული, აღშფოთებული დესიკო, რომელსაც თანაგრძნობის ცრემლები უკრთოდნენ თვალებში.

— ვინ გამიგონებს?.. ქვითინებდა მართა.. ნონე კი მოუთმენლად ელოდა კარებზე მართას, რომ დროზე ან ახალ ადგილზე წაეყვანა, ან კარდაკარ ეტარებინა.

ანასტასია ერისთავ-ბოშტარია.

ამერიკელ სოციალისტების ჰაბტატიკადან.

ამ ზაფხულის დამდეგს ამერიკელ სოციალისტურ პარტიამ (socialist party) ქალაქ ჩიკაგოში მოახდინა თავისი მორიგი კონგრესი, რომელსაც დასწერენ 218 დელეგატი, გამოგზავნილი უნიონის სხვა და სხვა ადგილებიდან, რომელთა შორის აგრეთვე ერში წევრი—დელეგატიც კალიფორნიიდან ერია. ამერიკაში, გარდა სოციალისტურ პარტიისა, არსებობენ კიდევ უცხო ენაზე მოლაპარაკე დამოუკიდებელი პარტიული ორგანიზაციები, როგორიცაა მაგ., იტალიური 1,084 პარტიული წევრით, და ამერიკელი სოციალისტური მუშათა პარტია. მათი საესებითი შეკავშირება ჯერ-ჯერობით არ მომხდარა, თუმცა კლასთა ბრძოლის საჭიროება ყველა ამ პარტიებისაგან აღიარებული არის და ამერიკელი მუშათა კლასის დიდ გამოსვლებში მათი მოქმედება ყოველთვის შეთანხმებული და შეერთებულია. უდიდეს და უძლიერეს სოციალისტურ პარტიათ „სოშალისტ პარტი“ უნდა ჩითვალოს, რადგან ამ პარტიის ორგანიზაციები და გავლენა მუშათა კლასზე ძლიერია და ყველა დანარჩენ პარტიებს წინ უსწრებს. პარტიის სეკრეტარი ბაინერი თავის მოხსენებაში გვამცნებს, თუ როგორი სისწრაფით და ჩქარი ნაბიჯით იზრდებოდა და ვითარდებოდა „სოციალისტური პარტია“. მაგ. 1903 წელს მთელ შეერთებულ შტატებში პარტიულ წევრთა

რიცხვს მხოლოდ 15,975 სული შეადგენდა, 1904 წ. 20,763, 1905 წ.—23,327, 1906 წ.—26,784, 1907 წ.—29,760. ესლა კი მაისის 1908 წლის გამოანგარიშება მეტად სასიხარულო და სასურველ რიცხვს იძლევა; რიცხვი პარტიულ ორგანიზაციებისა უდრის 2,076, პარტიულ წევრთა კი—40,398. კრების უმთავრესი ყურადღება მიქცეული იყო სამი საკითხის გადაჭრისაკენ, რომელთა სიღრმედ და დაუყონებლივ ახსნა-განმარტებას საჭიროება ყველასათვის აშკარა იყო. საკითხები ეხებოდნენ პროფესიონალურ კავშირებისადმი პარტიის დამოკიდებულებას, მასიურ გადმოსახლებას და წვრილ გლეხთათვის რაიმე საშუალებების მიწოდებას მათ მღვთმარეობის გასაუმჯობესებლათ. როგორც მოსალოდნელი იყო; კითხვამ პარტიის და პროფესიონალურ კავშირთა ურთიერთ განწყობილების შესახებ ხანგრძლივი და აღელვებული კამათი გამოიწვია. დელეგატთა ერთი ნაწილი თხოულობდა პროფესიონალურ კავშირთა შესახებ კითხვის სრულიად უყურადღებოდ დატოვებას იმ მოსაზრებით, რომ პარტიის აგიტაცია—პროპაგანდა მიმართულია როგორც ორგანიზაციულად შეკავშირებულ, ისე ორგანიზაციის გარეშე მყოფ მუშებისადმი. უმრავლესობა კი დაჟინებით ითხოვდა პარტიატაგის მიერ აზრის წარმოთქმას „ინდუსტრიალურ“ კავშირთა სასარგებლოდ. თუ ის არ იყო საეჭვო, რომ უმრავლესობა „ინდუსტრიალურ“ ორგანიზაციებს მიიჩნევდა პროფ. ორგანიზაციების საუკეთესოდ და შიშან-შეფარდებულ ფორმად, არც ის იყო მოსალოდნელი, რომ იგივე უმრავლესობა, ინდუსტრიალურ საფუძველზე აღმოცენებულ ორგანიზაციებისადმი თავის სიმპატიის გამოცხადებით, ეცდებოდა უკუ ეგდო უკვე არსებული „ხელობის“ პრინციპზე აგებული ორგანიზაციები; როგორც არის მაგ. ფედერაცია of Labor—ეს უდიდეს და უძლიერესი ორგანიზაცია მთელ ამერიკაში. რაც შეეხება პროფესიონალურ კავშირთა დამოუკიდებლობის საჭიროებას, მის არა პარტიულ ორგანიზაციით გამოცხადებას,—ეს არავისთვის არ იყო საეჭვო და საკამათო. ამ აზრით იყო დაწერილი ამერიკელ მუშათა მიმართ ადრესიც, რომელიც მიღებულ იყო 138 ხმით წინააღმდეგ 48 ხმისა. აი, ადრესის დედა-აზრიც:

„ორგანიზაციული მუშათა მოძრაობა არის ბუნებრივი, ლოგიკური შედეგი კაპიტალისტურ წარმოებისა, მიუკიდებელი ნაყოფი კაპიტალისტებსა და დაქირავებულ მუშათა შორის არსებულ წინააღმდეგობისა.

„სოციალისტური პარტია“ სცნობს პროფესიონალურ მოძრაობის დამოუკიდებლობის საჭიროებას ეკონომიურ ნიადაგზე, ისევე როგორც იცავს თავის დამოუკიდებლობას პოლიტიკურ ნიადაგზე. მეორე მხრით, ის დარწმუნებულია, რომ სხვა და სხვა გვარ ორგანიზაციულ ფორმით შეკავშირებულ მუშებს ცხოვრება სულ მალე წარმოაშობიებს და მიადებებს ერთიან მიმდინარეობას. აგრეთვე, უკვე განმეორებით მომხდარი შეერთებული გამოსვლები პროფესიონალურ კავშირების და

„სოციალისტურ პარტიისა“, აძლევს პარტიას იმედს, შეურყეველ საფუძველს, რომ ახლო მომავალში სასურველი უფრო მჭიდრო შეკავშირება-სოლიდარობა სხვა და სხვა პროფესიონალურ და პოლიტიკურ ორგანიზაციებისა განხორციელდება. დაფიქსებული არ უნდა იქნას, რომ ორივე მოძრაობის შტო ერთი და იგივე მიზნისკენ მიისწრაფვის: მუშათა კლასის განთავისუფლებისკენ. „სოციალისტური პარტია“ მხარს უჭერს ორგანიზაციულად შეკავშირებულ მუშებს თავის ბრძოლაში კაპიტალისტურ ექსპლოატაციის წინააღმდეგ და შემდეგშიც მათთან ერთად იბრძოლებს ყველა იმ მისწრაფებათა განსახორციელებლად, რომლებს მიზნად აქვს მუშათა კლასის მდგომარეობის გაუმჯობესება და კაპიტალისტურ წარმოების უკუღმართობის აღმოფხვრა—განადგურება“.

მ. მაგალობლიშვილი.

(შემდეგი იქნება).

პროპონიცია.

სოფლათ. დღევანდელმა არა ნორმალურმა პირობებმა ძალზე განავითარა საერთოთა რუსეთში, და კერძოთა კავკასიაში შანტაჟისტობა. შანტაჟისტობამ ფეხი მოიღვა ჩვენში და თან-და-თანობით განვითარდა მას შემდეგ, რაც ცეცხლითა და მახვილით რეაქციამ განამთავისუფლებელი მოძრაობა შეაფერხა. ხალხის ძაღლების დამარცხებამ ფრთები შეასხა ცულ-კაცობას და შანტაჟისტობას; ცხოვრების სცენაზე ამ უკანასკნელ წლებში ერთის მხრით ხალხის ყელში თუკის მოსაქერათ გამოვიდნენ ხუცებ-ბერები და თავად-აზნაურნი, მეორეს მხრით ხალხის საბოლოო ასაწიოკ-ასაოხრებლად ქურდ-ბაც-უ-შანტაჟისტები. შანტაჟისტებმა აიკლეს ჩვენი ქვეყანა, შანტაჟისტები მტრად გამოუჩნდნენ ჩვენში მომქმედ პარტიებს და მათი სიწმინდის ურცხვად ფეხ-ქვეშ გათელვას ცდილობდნენ. ერთ გურულ გლეხს გვარად ჩიგოგოძეს (ამ გლეხის ქონება 150 მანეთს არ აღემატება) მიუღია ბარათი შანტაჟისტებიდან. — „შენ კომიტეტის გადაწყვეტილებით 50 მ. უნდა ჩამოყაჟო“ ჩვენს სასარგებლოდ, თორემ სამ დღეში მოგკლავთ“. საცოდავი გლეხი შეცდილა ხარების გაყიდვას შანტაჟისტთა დასაკმაყოფილებლად, მაგრამ თავის სოფლის გონიერ ემაწვილთა რჩევით ხარების გაყიდვისათვის თავი დაუნებებია. გლეხი შიშით არის შეწუხებული, მის ოჯახს შანტაჟისტთა აოხრებისაგან ღამ-ღამობით ახალგაზრდა ემაწვილები იცავენ. —სამეგრელოს ერთ სოფელში გლეხ კვარცხალიას ბარათი მოსვლია შანტაჟისტებისგან: „30 მანეთი დაამზადე ამ ორ დღეში, და ამა და ამ ქვის ქვეშ ამოდევი, მოვალთ და წავიღებთ, თუ არ შეასრულებ ჩვენ წინადადებას სიკვდილი და შენი ჯანთა“. გლეხს არ მიუტყევია ამ

ბარათისათვის ყურადღება. შანტაჟისტები მესამე ღამეს მისულან ამ ურჩ გლეხთან, აუწიოკებით მისი ოჯახი, მძიმეთ გაულახავთ გლეხი, და რაც ხიბაკ-ხუბაკი უნახავთ ქოხში წაუღიეთ. — აი, ასეთი მაგალითებით საესეო ჩვენი ცხოვრება. ჩვენი საზოგადოება და პრესა მარად გაიძახის ამ სამწუხარო მოვლენაზე, მაგრამ ჯერ ხანად ამ მოვლენის აღმოსაფხვრელად არავითარი ზომები არაა მიღებული, თუ მხედველობაში არ მივიღებთ ზოგიერთ გურიის საზოგადოებათა დადგენილებებს მთავრობის ნებართვით შეერთდნენ ამ სენის აღმოსაფხვრელად, მართონ კრებები, და მჭიდრო შეკავშირებული ძალით ებრძოლონ შანტაჟისტებს. რამდენად რადიკალურია ეს საშუალება, ამის გარჩევაში არ შევალ. მხოლოდ ვიტყვი რომ შანტაჟისტობა ბოროტებაა და როგორც ბოროტება ის ითხოვს ჩვენგან დიდ ყურადღებას და ბრძოლას.

ილია ბახტაძე.

ყალამშია (ბორჩალოს მაზრა). თრიალეთის მთების ერთ ერთ კალთაზე მოთავსებულია სოფ. ყალამშია, რომელშიაც ითვლება 48 კომლი მცხოვრები. თუ მხედველობაში არ მივიღებთ თითქმის მასზე გადაბმული სოფ. მიჯა, მთელი ყალამშია გარშემორტყმულია თათრების სოფლებითა. მიუხედავად იმისა, რომ ყალამშიელი მომეტებულ წაწილს თავის სიცოცხლისას თათრებში ატარებს, მას წმინდად შეუენახავს ქართული ენა და ჩვეულებები. ქართველებთან აკავშირებს მას წარსული და არა ერთხელ და ორჯელ დაიჩივლებს ყალამშიელი, რომ დანარჩენ საქართველოს ჩამოშორებულია, რომ მასთან ერთად არა ცხოვრობს. ისინი „ობლებს“ ეძახიან თავის თავს. დიან ყალამშიელები მწარტე უჩივიან იმ სინამდვილეს, რომელსაც გადმოუტყუარცნია ესენი საქართველოს გულიდან, შუა ქართლიდან, ბორჩალოს მაზრაში. ეს სინამდვილე კი იყო მძიმე უღელი ბატონ-კმობისა, რომელსაც გამოჰქცევია და აქ ყალამშიაში უპოვია ვითომდა უფრო ადვილად ასატანი ბატონის უღელი. როგორც მოხუცი ყალამშიელები გადმოგვცემენ, მათი მამა-პაპანი კავთისხევიდან და მის მახლობელ სოფლებიდან არიან მოსულნი. აქ მიუტყუებიათ ბატონებს, მიუციათ სახნავი ადგილები, რომლიდანაც იხდიდნენ მოსავლის მეათედს. საძოვარი ადგილები, სათიბი, ტყე მუქთათ ჰქონიათ სულ დათმობილი. ეს პირველ ხანებში, რასაკვირველია. როდესაც ფეხი მოუკიდნიათ ადგილზე და დაუტყვიათ ბატონებს, რომ ყალამშიელებს მათ იქით გზა აღარა აქვთ, იჯარას, რასაკვირველია, უმატნია, ჯერ ნაექვლაზე და მერე ნაოთხლაზე ჩამოუყვანიათ. ესეც არ უქმარებიათ მათთვის: ქინახული ფულად უქცევიათ. ხნიანი გლეხები ამბობენ, რომ თივდაპირველად ათი თუმანი უძღვევიათ იჯარის ფულში, მერე თანდათანობით უმატებდნენ და ეხლა იმავე მამულში 2000 მან. იხდიან იჯარის ფულად. ამნაირი იჯარის მომატებას იმ გარამოებამ შეუწყო ხელი, რომ

თრიალეთის ნაწილს მარტო ქართველები კი არ ეტანებოდნენ. იქით მიილტოდნენ ნემცები, ღუხაბორები, მაღაყნები და სხვები. დაიბადა მამულების კონკურენცია. ბატონებმა თავის სასარგებლოდ გამოიყენეს ეს გარემოება და აქაურ გლეხებს თითქმის აუტანელი ფული შეაწერეს. მართლაც, მარტო სახნავ სათესში 2000 მან. 48 კომლისათვის, დიხაც რომ ძნელი გადასახდელია. და აი ყალბამულები ამის გამო სულ უკან და უკან მიდიან ეკონომიურათ, ქონებრივით. საშინელ სურათს წარმოადგენდა ამ უკანასკნელ სამი წლის განმავლობაში ყალბაშია. როგორც საერთოთ რუსეთში, აქაც თითქმის არ მოდიოდა მოსავალი. გლეხებმა, რაც რამე კი ჰქონდათ, ყველაფერი გაყიდეს, რომ სიმშლით არ დახოცილიყვნენ: შინაური ავეჯულობა, ლოგინი. რადგანაც ბატონი თავისას არ იშლიდა, იმის იჯარის ფულში კიდევ საქონელს დაუწყეს ყიდვა, თუმცა წელიწად ნახევრის იჯარის ფული ისევ გადასახდელი აქვთ. გლეხები დავალიანდნენ. ადგილობრივმა „მევახშეებმა“ მაგრა ჩაავლეს მათ ხელი და თუმცა წლეულ გვარიანი მოსავალია, მაგრამ არა გვეგონია, რომ ეს ზღაპრული გლეხებმა კუქები, რადგან მოსავალი იჯარის ფულსა და ვალებს ვერ აუვა. ამნაირათ მოეკრათ გლეხებს გზა ეკონომიურათ წინსვლისა და ვინ იცის მოსავალი რას უქადის მათ.

როგორც სხვაგან, აქაც აღძრეს ლაპარაკი საგლეხო ბანკის შემწვობით მამულების შეძენის შესახებ. მაგრამ დღოცვილებმა იმისთანა ფასი დაადეს ამ ხრიაკ ადგილებს (დესეტ. 60 მან.), რომ ისევ 200 თუმნის ძლევა ირჩიეს გლეხებმა, რადგან, თუ ამ ფასში შეიძინეს გლეხებმა მამული, იჯარის ფულს ზედ მეტი თუმნები ეკეცება, რომლის მიცემას ისინი ვერ შესძლებენ და ადრე თუ გვიან მამული ისევ ბანკს დარჩება და უკანასკნელი გაუხდება მათ ბატონათ. „რაკი ბატონი აუცილებელია, ლაპარაკობენ გლეხები, ისევ იმას ვაძლიოთ, რომლის შენახვა უფრო ნაკლებ ფასში დაგვიჯდება“. მარა საქმეს მეორე მხარეცა აქვს. თურმე მეზობანე სხვა მყიდველებს ეძებს და იმ გლეხებს კი, რომლებმაც უზსოვარ დროიდან თავისი სისხლი და ოფლი ჩაღვარეს შიგ, ქვიშაზე უპირებენ დატოვებას. თუ ეს ხმები გამართლდა, მაშინ ყალბამულების საქმეს გამოსავალი აღარც კი დაურჩება. „წახდა, წახდა გლეხკაცი“ ყოველ სოფლის ყრილობაზე გაიძახიან ყალბამუილები და, მგონი, აზრს არ უნდა იყოს მოკლებული მათი სიტყვები. ყალბაშიაში წ. კ. გ. ს. სკოლაა. თუმცა წინათ ყალბამუილები ძალიან უნდობლათ ეკიდებოდნენ სკოლას, ეხლა კი შეიგნეს მისი მნიშვნელობა და შეიყვარეს კიდევ. რადგანაც საკუთარი შენობა არა აქვს სკოლას და უკანასკნელი კი მოთავსებული იყო შეუფერებელ ადგილას, ამიტომ ყალბამუილებმა გადაწყვიტეს დაუთმონ სკოლას სასოფლო დუქანი თავისი ეზოთი: თუ მხედველობაში მივიღებთ იმ გარემოებას, რომ ყალბამუილებს ამ დუქნიდან წელიწადში 25 თუმ. მეტი შე-

მოჰდიოდათ, უნდა ვალეიაროთ, რომ ეს წვლილი მათის მხრივ საგრძნობელია. დუქანი უნდა მოიშალოს და მის მაგივრათ აიგოს სასკოლო შენობა. შენობის აშენება კი დაპირდა წ. კ. საზოგადოებას ნიკოლოზ კეზელი, რომელიც როგორც, ვაფიგეთ, სექტემბრის პირველ რიცხვებში აპირებს შენობის აგების დაწყებას.

ნაძირალები აქაც. მოიპოვებთან იგრედაც გაქირვებულ, დატანჯულ ხალხს ჰპარავენ საქონელს და თორებში ასაღებენ. ამათი წინამძღოლი და უსტაბაში აღგილობრივი მცხოვრები—ენაო ყურდუაშვილია, რომელსაც მღვდლის ცხენის მოპარვაზე მოასწრეს და თოფით გააგდებინეს. ამ ამბავმა ძლიერ ააღელვა აქაური გლეხობა, რადგან მათ ძალიან უყვართ მათთან ქირში და ლხინში მყოფი მღვდელი დ. ქოქიაშვილი და მისი ცხენის მოპარვის განზრახვა მთელი სოფლის შერცხვენათ და შეურაცყოფათ მიაჩნიათ.

ყალბამუიელი.

დედა,

როგორც აღმზრდელი.

(წერილები მუშა ხალხის დედებისადმი).

თარგმანი ბერმანულიდან*) სვ. კანდ—ისა.

III

არ უნდა სცემო.

ერიდე, პროლეტარის დედავ, ჯოხის და წყებლის მეგობრობას! ისინი არ არიან ერთგული მეგობრები. მხოლოდ აღელვების და გულმოსულობის დროს მათი საშუალებით შენ იმარჯვებ ბავშვებზე, მაგრამ ასეთი გამარჯვება ნამდვილათ კი ფოკუს წარმოადგენს, რადგან მას შემდეგში საშინელი ვნება მოაქვს. მე ეს კარგათ მესმის, როცა დაღლილი, დაქანცული, მშრომელი დედაკაცი მხოლოდ ჯოხში ხედავს ერთადერთ საშუალებას, რომ თავისი ხუთი, ექვსი ბავშვი დააწყნაროს. უკეთესი საშუალება მან არ იცის, რადგან თვითონაც ასეა აღზრდილი და მისი ნაცნობებიც ასე იქცევიან. ამასთანავე, ცემის საკმაო კერძიც ამშვიდებს ეშმაკ ბავშვებს! მაგრამ ეს მხოლოდ დროებითია. ჯოხი ვერ დააჯერებს, ქკუას ვერ ასწავლის ბავშს. ჯოხისაგან მხოლოდ ტკივილს იგრძნობს ბავში, მაგრამ ადვილათ დასძლევს ამას. ბავშს ბევრი თავისუფალი გრძნობები აქვს. ეს ჩვენ უნდა გვახსოვდეს და მზათ უნდა ვიყოთ ასეთი თავისუფალ ოპოზიციურ გრძნობას კარგათ გაუძღვეთ და სისწორით წინ წაიყვანოთ. ხოლო ეს კი არ ნიშნავს იმას, რომ ბავშს ყველაფრის ნება უნდა ქონდეს. არა, ბავშიც თავიდანვე უნდა შეეფვიოს იმას, რაც ოჯახის ყველა წევრების ინტერესს შეადგენს: პატივით და ყურადღებით მოეპყრას დადგენილ და ყველა საოჯახო კანონებს. და ბარბაროსულ ცემით კი ვერ შევაჩვევთ ჩვენ ბავშს დაემორ-

*) იხ. „ჩვენი კვალი“ № 11.

ჩილოს საყოველთაო სიკეთეს. სხვა საშუალებებიცაა, რომელნიც უფრო მოქმედებენ, ვინც ცემა-ტყევა და არც ისეთი ცუდი შედეგები მოყვება, როგორც ამის ჯოხის საშუალებით ჩვენ მონათ ვზრდით ბავშვებს. ვინც ბავშვობაში ჯოხის შიშს შეჩვევია, მას დიდობაშიაც ეშინია მისი, იქნება იგი პოლიციის კეტი, საზოგადოების წევრია, თუ კაპიტალისტის მათრახი. ვისაც ბავშვობაში თავის ღირსება დახშული აქვს, ის შემდეგში გაბატონებულ კლასის უღირს საგანს შეადგენს და არცხვენს თავის თავს. ჩვენ გვინდა ჩვენი ბავშვები დამოუკიდებელი, თავის თავით დაიმედებული ხასიათი შეეკმნათ. ჩვენ გვინდა მათ არავითარი შიში არ ქონდეთ ადამიანთა წინაშე. ჩვენ გვინდა ისინი თავისუფლებისთვის და კაცობრიობის ღირსებებისთვის იბრძოდნენ. ამისთვის ძირს ჯოხი და წკეპლი!

IV

შეაჩვიე შენი ბავშვი სწორე ლაპარაკს.

შენი პაწია ბავშვი ბუტბუტებს რაღაცებს. შენ კი გგონია; რომ ეს სიტყვებია, რომლებიც პაწია წითელ, ორ მარგალიტ კბილებიან ტუჩებიდან ხმანობენ. შენ ამტკიცებ, რომ ბავშვი ლაპარაკობს მკაფიოთ „დღესას“, მაგრამ შენი იქვიანი ქმარი გედავება ამის შესახებ და ირწმუნება, რომ ბავშვი ლაპარაკობს გარკვევით „მამას“. და ან თქვენ რომეც მხრიდან აკვანზე დახრილი ჩასცქერით ბავშვს და ცბიერ გულმოსულობით სჯით ერთი-მეორეს თქვენ მშობლიურ ბედნიერებაში, მაგრამ დაისწავლენ მალე, უკეთესათ გაარჩიო, რას ლაპარაკობს შენი ბავშვი. მისი პაწია თვალები დღითი-ღღე უფრო კვეთა-წურათ უქურდუნ ქვეყნიერებას და ეს პატარა ვარდის მგზავნი ყურები იქერგენ გარეშეშო ხმებს. მისი თვალები შესცქერაან საათის ისარს და შენც თან იმეორებ: „ტიკ ტაკ, ტიკ ტაკ“. ან მახლობლათ მიხმარაობს ელექტრონის ტრამეაი ჩქარი ზარის წყარუნით და შენ ეუბნები: „უყურე, როგორ იძახის? პინგ პინგ!“ ან გარეთ ჰყეფს ძაღლი და როცა პატარა თვალები ირგვლივ ეძებენ, შენ უპასუხებ: „გესმის? ვაუ ვაუ, ვაუ ვაუ.“ ნელ-ნელა სწავლობს პატარა არსება გარეშეშო საგნებზე თავის ხმის ორგანო მოიხმაროს. ნელ-ნელა და ინსტიტუტურათ სწავლობს ბავშვი ენას, როგორც შემადგენელი ასოს თავის და გარეშეშო საგნების საცნობათ. თუ პირველი ხანა დასძლია ბავშვა, მაშინ წინ მიქროლავს ის გიგანტის ნაბიჯით. ყველაფერი სურს დაისწავლოს, ყველა საგნებს, რასაც ის ხედავს ესმის და გრძნობს, აძლევს სახელებს. აი, აქ შეგიძლია შენ, ახალგაზდა დედაც, ბავშვის დიდი თანაშემწე გახდე. მიდი სწავლის წადილით, პაწია არსებას დაეხმარო. საგნები, რომლებსთვისაც ის თხოულობს სახელებს, დაუსახელე უბრალოთ, მაგრამ წმინდა და სწორ სიტყვებით. მიეცი ბავშვს საბაზი ტუჩებზე გიყუროს, როცა შენ მას სიტყვას უკარნახებ. პირველათ ყოველისა ნუ ჩაიდენ ბევრი მშობლების დიდ

და პატარა შეცდომებს: ზოგიერთ მშობლებს უხარია, თუ მათ ბავშვს ბევრ საგნებისთვის თავისი, საკუთარი შედგენილი სიტყვები აქვს და ბევრ სიტყვებს შესაქცევს არა სწორ სახით გამოთქვამს. ასეთი ჩვეულება ადრინდელ ახალგაზდობისა, ხშირათ ადამიანს მთელ თავის ცხოვრებაში შერჩება.

ჰენრიხ შულცე.

(შემდეგ იქნება).

XXXXXXXXXXXXXXXXXXXX
X შემდეგი №-დან დაიბეჭდება X
X ივ. გომართელის ახალი პიესა. X
XXXXXXXXXXXXXXXXXXXX

წერილი რედაქციის მიმართ.

სწორეთ ახირებული ჩვეულება აქვთ ზოგიერთ დიდი-ჯიხი იშვლ ინტელიგენტებს. თუ კი რაიმე მათზე დაიწერა, იმის მაგიერ რომ თავი იმართლონ მკითხველების წინაშე, მოყვებიან ლანძღვას და ავტორის ძებნას. გაზეთების კარი ყველასათვის ღიაა, შეუძლიათ და სრული ნება აქვთ მათ, უბრალო ლანძღვას პასუხი გასცენ, რიგიან და მასთან ინტელიგენტურ საშუალებას არ მიმართვენ. ავტორისადმი მუქარა იმ მიზნით, რომ შემდეგ მათზე წერა ვერ გახდეს ვერა კარგი საქციელი. ეს წერილი გამოიწვია თქვენ პატივცემულ გაზეთის მე-№ 9-ში დიდი-ჯიხისაშიდან მოთვისებულმა პატარა წერილმა, რომლის ავტორობა ზოგიერთებმა მე დამწამს. უმოჩილესათ გთხოვთ დამომოწმოთ, რომ ზემო დასახელებულ წერილის ავტორი მე არ ვარ. *)

დ. ნემსაძე.

*) მე-№ 9-ში დიდი-ჯიხისაშიდან მოწერილ ამბავის ავტორი არ არის ბ-ნი დ. ნემსაძე.

რედაქტორ-გამომცემელი ანთ. გომარგობიანი.

ყოველკვირეული საპოლიტიკო, სამეცნიერო და სალიტერატურო გაზეთი

ჩვენის კვალნი

გაზეთის ფასი:

თბილისსა და თბილის გარეთ	7 მ. — კ.
ნახევარ წლით —	3 მ. — კ.
სამი თვით —	1 მ. 60 კ.
საზღვარ გარეთ ერთი წლით	7 მ. — კ.
ნახევარ წლით —	4 მ. — კ.
სამი თვით —	2 მ. — კ.

ცალკე ნომერი ყოველგან ორი შაური.

ხელის მოწერა შეიძლება: თბილისში, წიგნის მალაზია „სორაპანი“ მადათოვის კენძული. ფასტით ფული და წიგნები უნდა გამოიგზავნოს ამ ადრესით:

Тифлисть книжный магазинъ „Сорапанъ“ (Мадат-островъ) Рахиль Каландалдзе.

მოლაპარაკება რედაქციასთან შეიძლება ყოველ დღე კვირა-უქმეებს გარდა დილის 11-დან ნაშუადღევს 2 საათამდე.

რედაქცია იმყოფება ვანქის ქუჩაზე № 12, ზემო ხართულში

ელექტრო-მბეჭდავი ამხ. „სორაპანი“, მადათოვის კუნძული, სახლი მუხრანსკისა № 1.